

欽定四庫全書

澗泉集卷十一

宋 韓澆 撰

七言律詩

徑山

二十一日比年寺火獨遺國一和尚塔院及明月池耳他皆再建者

明月池頭國一禪
殘僧依舊占三椽
薰風正綠門前樹
積水都清澗下川
坐斷千峰因底事
身輕百劫本何緣
篔簹有客登臨久
齋罷茗盃香散烟

平山

章泉粥罷上松閣野迳田塍直復彎
晚詩翁來款曲同時生客亦躋攀
誰云身外無窮事自是人間有許閒
夢兀獲輿忘遠近午風晴日已平山

山靜

山靜不嫌雞犬聲閒身随意了陰晴
柴扉終日其誰問梅逕有時還自行
一曲澗流雖淺澹數株花蘂甚分明
未頭周易初無恙酒困茶醒底用情

山林

山林終日掩柴門近聽風聲遠對雲粗
有稻梁供伏臘尚憑雞犬報朝曛
氣非身外無存想書在眼前多見聞
客至不勞間酒食一甌茶炷一爐熏

葛洪川

葛洪川畔試尋詩圓澤精魂世孰知
但見野僧相指點獨憐游子轉傷悲
湍流澗水侵苔蘚磊落山崑佛樹枝
我亦賞吟風月爾人間今古信如斯

二十八日采泉泉頭

每逢泉石必從容
閒過吾廬絕澗東
簌弄泓澄看砢确
盤旋窈窕喜蒙籠
近村欲雨無斜日
遠岫歸雲有陣風
白酒釀成誰酌我
濯纓洗耳不須同

春泉

幽伴無人話
來樵老身何處可逍遙
閒當晚徑誰爭席
間或春泉自一瓢
煖霽欲銷遲日在
輕風徐起亂雲颺
才情今古能多未
少必巢由不見堯

山行

家住疎疎短短籬
並山支徑自登躋
寒雲四垂天慘慘
老木環瑣風淒淒
身從荒園叩古寺
眼暗孤城帶清溪
尋僧與客少談勝
興罷歸來烏夜啼

初八日登前山獨坐久之

陰陰秋與白雲浮
山近林深上上頭
千里終成萬家色
百川分繞一方州
其間雞犬微茫處
此外鷗鷺莽曠遊
明月黃花是重九
更尋橋月看溪花

夜同處晦霞山

案詩三首一見五律一見七言絕句

淵泉集

春來不道梅花好古觀荒林並晚晴
一一枝間見生意
重重影外落寒聲酒因人勝舒徐
飲詩待客吟蕭散成
扶盡墟煙橫野水暗涵深綠起
疎明

次韻晁仲二同倉使遊靈巖

使華春入梵王宮髣髴工顰在眼中
解后五湖應自遠
縱橫七國漫爭雄一時宿從蕪無極
千古興亡恨莫窮
空鎖靈巖舊縱跡畫船贏得滿篙風

同昌甫遊瑞應峰一宿次韻

十載嘗同望此山雅懷幽意頗相關
豈期苔竹隨公去
應笑錢塘見我還洗夢唐人詩句
裏驚霄前哲石碑間
秋風古寺一盃酒老覺心情只欲閒

過南隴

艤舟溪岸入山居步穩秋原木影
疎畫日極知無市井
此身終是樂樵漁鳥聲自占庭前
樹嵐氣時侵案上書
尊酒故人情味別留連應喜到門初

自永豐玉山回宿南隴

章泉風日來時路煙雨南隴歸去時已過重陽猶菊蕊
又將十月忽梅枝周游放浪家家酒展轉流連處處詩
信道山間深更好儘間尤與老相宜

初六日歸汎南隴已三鼓矣

乍涼天氣翠烟霏多少林花露未晞十里幽香秋醉去
一溪新月夜吟歸豈無僧舍居高遠定有人家在隱微
夜半鶴鳴猿嘯冷灘聲鳴遶釣魚磯

二十六日送曾寺過伯輝於南隴

周瑜隱地春曾住秋以為期玉斗遊只道參差無此遶
要知拓落有何謀經行二姓忽相聚輾轉一身終自由
四樹木樨花正發幽香隨處且忘憂

晦日衝雨過同官趙大小樓眺望江山

一樓煙雨更橫江吳越蒼山入混茫霽色未分無遠樹
湖聲初過有歸艎檐楹高處聞登眺市井中間任迫忙
日日癡兒了官事暫時相賞試持觴

登一杯亭

當年丞相一登臨
酒畔崢嶸萬古心
重整乾坤歸廟社
却留歲月在山林
荒尋野閣甘棠蔽
名占高臺峴首深
見說治中新築就
肯堂三藪有遺音
旌麾誰不典方州
何事邦人記昔遊
時命縱非名轉盛
靈山如畫水西流
吾儕只得詩模倣
爾輩焉知酒拍浮
却憶環滁最佳處
醉翁亭子至今留

飯後乘日過東家

霜晴已是探梅時
野趣軒茶更合詩
才出門來唯獨往
不看山去亦何知
試聽石瀨無塵滓
如覺林梢有好枝
心與眼明知興熟
朗吟惟老轉相宜

十三夜携杯浮橋看月

一輪秋月到天心
此夜全無雲片侵
雅靜每於閒後見
孤高難向鬧中尋
漸圓漸好形神正
愈大愈明精氣深
最是溪間波影裏
金光搖動玉沉沉

十一日郡守飯靈山閣夜坐新浮橋月中

使君襟抱中秋中
月間飲賓僚醉野人
倒載去尋高閣

古落成未試一橋新山城明歲當回首雲路茲時好發身
喚起婦娥駕輪玉不知何處着纖塵

十三日方齋

麥秋蠶月雨收晴城郭山林到處行不是惜春尋小醉
忍教投老轉多情啼鴉啾啾翻梁燕夢蝶蘧蘧出谷鶯
記取招邀一杯酒與君直戲也宜驚

捉得春風住三日明年依舊百花香酒盃滿後同誰飲
詩句成時只自在金縷聲銷非幻景玉華煙散任仙鄉
靈山翠滴冰溪水只這閒情話更長

上乘寺

禾黍登場秋已深莫天寒日起層陰不論世路有夷險
但覺此心無古今黃帽青鞵聊自適高山流水付知音
解鞍野寺黃昏後犬吠疎籬鴉滿林

上富春灘

喚得遍舟一葉輕釣臺波上文陽明固宜烟鳥知人意
只為雲山識我情篷日午前雖較熱帆風晚後却尤清

吾廬更在楚溪口 歸卧北窓聽竹聲

十六日至章泉水

山愈深時地愈高 春尋積李散崇桃 桃林廬但覺無塵話
田里那知有載膠 華髮蒼顏俱老大 清泉白石更周遭
常年每厭居城郭 時復從翁敢憚勞

溪行

突兀荒荒漫挈瓶 泓澄窈窕且揚舲 隔山雞犬三家聚
近水魚蝦一岸腥 說夢休誇巫峽賦 移文何愧草堂靈
交遊少得親相識 臨眺多為舊所經

携秉垓千散步

濕雲收動碧山空 松葉桐花日影中 開盡一軒無曲折
掃除三徑有幽通 耘耔不厭農田雨 流憩居多野水風
解斷浮航塵跡少 葦間何地覓漁翁

月夜自東樓溪遊甚適寄吳推趙將

滿船載得高溪月 吹落東樓萬里風 岸上未收燈火處
城頭初動角聲中 撫懷定自閒相見 抵掌還知醉亦同

三百年來無此作謫仙飛過水晶宮

過冠秋

來年要作冠秋詩今日花時合自知我覺為吟真老醜
人疑取酒若兒嬉妝香宿雨初浮蘂弄色晴風定滿枝
莫道空山漫遺句傳家垂後有深規

同世昌尋春

春風清曉尚微霜近午寒收日漸長步穩路平山滌靄
眼明溪淨水生光珍禽啼鳥猶能樂野州閑花亦自香
回首紅塵是城市林間詩酒試平章

晚寒散步澗上

走吾老態懶成言勃率蹒跚試出門腳底路回籬外屋
眼前梅發澗邊村雪霜欲下天回互烟霧不收山吐吞
歸到寒窓卷書坐地爐深火過黃昏

晚立澗旁

水邊獨立看黃昏梅蘂能銷客子魂淡靄清鐘知隔寺
微風幽笛是前村牛羊徑路生寒色鵝鴨陂池裂凍痕

一種清懷幾多景鴉棲密木更翩翩

溪上行至傳庵蹊間崩石險澁幾踣

無酒無詩只意行水邊林下偶然晴緩移野步微歌側
細比凡心儘曠平白髮去來同遊跡青春交徃定蜚英
小庵供佛安禪地只合僧家一味清

納涼濠上

夕陽偏占綠荷風夏氣浮涼酒滿鍾人勝不譏吾拓落
身間何恨爾從容喚回今古風騷體消得乾坤運化功
只是靈山照冰水莫教憂樂係窮通

同吳永伯行田宿小寺

冉冉春烟山半昏遠林荒草際斜曛人家幾點望中見
雞犬數聲何處聞不奈客愁驚晚歲空餘詩思入行雲
青松影下歸來路野寺對床還醉醺

昌甫同汎舟歸宿澗房

山陰溪曲古何年今日南籠棹復旋夾岸暖風吹麥秀
釣竿清浪出魚鮮諸兒挈飲能迎勞耆舊談圍信解懸

放溜歸來月初夜林間應獨與翁便

九日登跨鶴臺有懷

山頭跨鶴舊登臺今日那知我獨來
憶昨儒先追杖屨因嘗鄉老共尊罍
呼兒且伴閒身健好客何由笑口開
落魄使君王道甫幾回和月醉崔嵬
西風吹我上危臺鶴駕仙人跨海來
雖少菊花猶破帽既多楓落合傾罍
玉溪爭瀉秋容淡靈岫森羅夕照開
老去悲傷易如許人心何苦自崔嵬

倚樓

湖山咫尺懶追遊獨倚危樓已白頭
初夏風光還荏苒乍晴雲霧正飛浮
長吟自可千篇在小醉誰能萬事休
轂擊肩摩爭輦路不知虛度幾春秋

鋤治山板可買胡床遠覽

荒穢誅鋤山徑開峻更高爽敞平臺
眼明度以閒登眺步穩因之數往來
載斲坡陀曾樹蕙緣通茂密待移梅
城南自是多幽處一曲今藏古澗隈

小泊橋南書院

時入吳就
試注官

欲浮一舸過東吳
小泊橋南興有餘
盡道久懸高士榻
豈知重見故人車
詩家情味從來別
書院言談分外舒
蓮實藕花秋露滴
坐多題句轉清虛

新闢小室自適

掃除閒室置書琴
偃仰之間萬古心
飯了欠伸因小憩
睡餘消散得孤斟
輝輝白日回初暑
拂拂清風動晚陰
門巷喜無車馬至
庭傍簷時自聽鳴禽

暑中思澗上之適

野趣池頭蓮正香
湫泉亭上水生涼
有時並舍閑題句
盡日荒園難舉觴
隘巷泥塗誰下榻
一樓風自雨移牀
青衫白髮今何事
苦戀明時在帝鄉

張垂崖與傳逸人詩當年失
脚下漁磯苦戀明時未得歸

玉田道中得詩二句因足之

秋晚晴原上玉田
水邊林下過金仙
寺鐘欲動黃昏月
野鳥時橫碧落天
萸糝人家皆取醉
菊花籬檻亦爭妍
三义路入孤村去
九日間投物外緣

何山有蕪滄浪蘇玉局詩乃唐何楷書堂也

亭上清詩得兩蘇空留精舍作僧廬地因人勝合題句
山以姓名緣讀書一徑虛明連別嶼小溪清淺過平湖
笋輿少憩烹茶去轉覺秋來興有餘

龜峰

繫船散策到龜峰人意從容景不窮點檢形容多態
縱觀面勢更穹崇並邊幽草叢叢碧絕頂殘楓樹樹紅
山翠着人寒更早嵐光明滅鳥聲中

悠然堂

公堂柱笏文書省日月青山在眼前吟到有詩端自肯
醉中因酒亦天全霜高遠樹參差外風落孤鴻滅沒邊
却笑柴桑窮處士籬根把菊始知然

趙十重整山堂南北蒼翠在望

水南常只見靈山城市誰曾顧此間空占龍窠成曉靄
安能峭嶮盡迴環高堂知整軒窗靜曲徑應多草木間
眼界一親心更遠屬聯佳句不當慳

同孟守出溪亭視漲和嚴解元韻

滾滾溪亭雨未休
偶陪小隊得來遊
蠶桑時候將何望
燕麥風前信隱憂
民力已殫誠易與
天心非遠不難籌
果然香火開晴色
從此年登定有秋

周侔以詩來索翠微堂題因周韻為末後句

翠微分得閑風月
再葺斯堂若畫圖
舊觀豈專希白有
新題還擬汗青無
隔林聞杙情何竒
與客携壺景不殊
山上群仙司下土
蓬萊歸路莫踟蹰

草堂為柴丈參議題

衝風衝雨傍孤城
旋借藍輿上岸行
零落交遊難屈指
崢嶸耆舊可尋盟
共披莊列心何妙
更話曹劉眼倍明
但願先生博長健
笑看犬吠與鷄鳴

桃花臺

案此詩二首
其一見五律

倚棹捫蘿步古堤
井邊池上訪招提
荒荒草滿平原外
寂寂洲橫流水西
一葉小舟漁自樂
數行高樹鳥頻啼
人間倏仰仙凡隔
丹竈空留占葛溪

禪月臺

山路難嫌脚力登，儘高高又馮陵。豈無道院燒仙藥，定有僧籠供佛燈。一任蒿紳多習熟，都緣書冊易因仍。尾頭蒼尾誰連壁，涼冷秋來老莫勝。

跨鶴臺

案詩二首其一
見五言絕句

臺占溪南最上峰，政成民樂得從容。彼時高李情如許，此地蘓丁事偶逢。可是吾身羨輕舉，肯令人眼溷塵蹤。昂昂紫府飛來處，一片笙簫酒滿鍾。

次韻丘薄對碧軒

淡烟晴景鳥關關，香淨茶甘宴坐間。竹碧便宜終日醉，僧清輸與一生閑。此時薄宦終行地，萬思_里鄉夢處山心。寄飛鴻在雲眇，數聲零落下滄灣。

題笑軒

伸眉為作笑軒詩，胡廣中庸天下知。展轉此身俱老矣，紛拏何事不兒嬉。從教流俗千般巧，莫受榮華一點欺。幾度歸來撫空案，清風明月總相宜。

貧樂軒

林深自愛玉溪濱肯問囊空甌有塵但掃軒窓置書冊
時將樽俎醉詩人幽尋靈雲登山屐靜寄淵明漉酒巾
南渡百年青社遠如君終不負閑身

題司馬寺丞約汪倅趙倅携酒相過澗亭

溪山前後簇雙旌暇日城南取次行因小到園尋勝事
更於野寺暢幽情聯翩別乘同歌吹落拓閒民亦兕觥
元祐相家文物在喚回洛社舊昇平

茅齋

鷺鷥林下得周旋回首淒涼十五年豈謂交遊尋舊約
不堪朋友語新編翠連山色高還聳綠滿湖波散復圓
小酌更多今古意薰風吹樹聽鳴蟬

題山光亭

晚春天氣綠園林小上危亭酒未深紫燕歸來知倦翼
黃鸝飛去有清音水煙望望山明滅風雨時時景晦陰
莫問癡兒了官事尊前容我短長吟

抗雲亭

淡煙晴日近重陽
整屐荒山野路長
世事是非同膠擾
人生今古一悲涼
望窮千里乾坤外
清絕小園松菊香
此日此時真可惜
西風催釀滿林霜

成趣小隱

今年春色在山家
到處尋梅看落花
成趣園中乘日往
最高臺上受風斜
棋聲與我詩無盡
酒力因君興未涯
拓落不知天蚤暮
更呼急管度芳華

成趣

春到名園花下門
畫梁迎燕落泥芹
海棠徑暖紅爭艷
魚藻波肥綠颭文
興逸自憐真野老
醉歸誰問故將軍
一時觴咏留連處
更得清酬信不羣

寄題鄧器先北窻

古寺虛廟石壁陰
幽人高卧一窻深
絕勝移病聽朝鼓
大似歸田理素琴
棋酒定知交味有
軒裳得路可無心
何時下榻容吾語
共挹清風抵萬金

題溪堂栢閣

循除灑灑水長鳴栢閣溪堂靜處深
出處清朝為得路
春舒黃卷足知音雞豚里社高人酒
風月山林野客吟
好在秋殘一樽後直酒懷玉伴幽尋

徐和卿所居滿園巷

知道逍遙巷裏居彼時此地復何如
豈無草木稀人跡
那有塵埃汚我書將鶴清狂應望海
騎驢顛倒想臨湖
他年好事流傳去又說徐公舊隱廬

王元之贈滿詩將鶴賣藥嘗將
鶴倒騎驢舊有華山圖借湖字

池上

池上松龍長子孫池東佳氣抱天迴
爭高蟻垤峻不已
強聒蛟雷去復來白笈囊空嫌薏苡
碧雲舊路足蒼苔
清溪無限春桃種豈是劉郎一手栽

題新店

泉石堂上四十秋青山橫北水西流
蕭蕭木葉下高樹
寂寂河梁浮小舟喜有詩人尋勝跡
可無閒客共清遊
偷然更占南屏曲應待我來盟白鷗

寄題廬陵曾氏新居

孝哉有子作斯堂
孺慕終身信不忘
橘熟可能懷陸續
枕涼無復扇黃香
庭闈深處空萱盛
門戶高時合桂芳
退傳之詩人所敬
從今名字表江鄉

次韻鄭旴昭郊居

年來有味是琴書
喜見新園更結廬
萬事從教無造物
一身終是在寰區
賢愚衮衮多前古
富貴紛紛滿後車
倒着接羅扶杖去
從公秋水看清渠

一丘一壑本同然
老去心情嬾問禪
野外江山天轉大
秋深風露月還圓
栽花種柳無餘日
問舍求田有盡年
只恐功名相逼逐
未容着意到閒邊

晁十哥舊居新闢種竹

舊家庭院新栽竹
却憶本閑南渡初
生聚百年推甲族
流傳四世尚同居
清風不負堂前燕
長日猶堆案上書
根本既深槎葉在
時時培土莫輕鋤

寄題玉真高隱

楚山突兀起危亭消得登臨醉復醒雲錦地連無俗客
玉真天與集仙靈煙霞明滅心逾遠松竹回環眼自青
何日主人同勝賞小舟波上待重經

瑞竹寺

白雲夜伴巖扉宿虛籟幽幽意自春回首驅馳因薄宦
平生蕭散本閒人風摧老木嵐光靜霜逼早梅天氣新
眼底明朝更清絕便成西去也逡巡

秋晚同德久湖寺晚望

雲薄湖山入暮天近看容淡遠蒼然秋生曠暮時藏日
野外荒寒更起煙柳下不知多少屋葦間唯聽往來船
今年情味詩全減只合靈虛喚水仙

宿廣教寺

平生蕭散喜登臨秋入溪山處處清訪古人傳裴相國
尋詩我憶謝宣城風回萬木新霜淨雲薄長空久照明
更向僧窓閒徙倚一樽談笑為君傾

廣修寺

石磴陰陰長薜蘿斷崖飛練瀉鳴波雨收林麓翠光合
雲淨峯巒爽氣多萬事身心毋固必此時詩句欲如何
蕭然便合歸林去已辨犁鉏著釣簑

舜山寺

風沙跋馬渡平原眼底光陰幾換年霜氣扶寒涵落日
雲容薄暮帶孤烟經行野寺尋詩和邂逅殘僧把茗煎
東縛一官真自笑可無清興解鞍眠

水西寺

水西佳處為停車不待丹青寫作圖高下是山非甚遠
回還隨路未嫌迂留連把盞歡終洽迤邐支筇句不無
天地之間是閒客也須容我醉歌呼

訪古寺

一代之文鳴能幾人要須終古景長新我來磐礴古洲晚
君亦為開三徑春山遠地平知得句林疎花近有閑身
蘇遊頗快生雙眼相賞暫時情轉親

四月旦小池新荷

輕圓初泛水池荷承露翻風不厭多
平旦氣清舞蝶葉
午天人靜戲魚波采蓮他日當尋曲
夢草前時亦可歌
安得鏡湖三百里酒船回棹謫仙過

鄭一長塘摘蓮

驅驢拽馬趁初涼棹了南齊上近莊
稚子偶携寧有謂
經生相詭量難量酒因蓮藕醉言瀉
雞配黃私饒彼忙
多少壯心收不起又撐小艇入長塘

巖桂盛開因游步久之

行到東家巖桂鄉花房濃密樹身長
風行黃落留雲影
雨出青空漏日光已分角巾欵處折
未饒藜杖淨中忙
山林寂寂歸高隱水石迢迢出遠荒

詠海棠

撩亂蒙籠黯淡中海棠收葉尚藏紅
燕支肯負勻粧淺
翡翠何貪剪刻工酒病未甦還懊惱
春愁終解易怔忡
流芳催得年華去又見啼鶯轉小叢

春山看紅梅

年年常得醉君家今日紅梅正看花
點注初非桃有艷橫斜寧與李爭華
依然竹外居林下况復山顛與水涯
步遠孤根香更在高懷無惜共流霞

次韻紅梅

暗香疎影入深杯人怪新粧不是梅
祇恐冰清驚俗眼故移酒暈入花腮
蘭生林處元同臭杏滿園時肯亂陪
遲日艷陽天氣裏有歡羸得倒金罍

澗東臨水飲梅花尚未全放一樹獨佳

殘雪餘寒二月來澗東猶是欲開梅
夕陽影澹初尋句流水聲清更把杯
取友喚鄰相領略破荒擇勝獨徘徊
誰能折向南枝醉一陣繁撲麝煤

梅下

雖只霜濃春自濃野梅無處不為容
半依古渡迷芳草獨與荒山對老松
綽約花房宜戲蝶崔嵬枝幹若游龍
角巾一幅支筇久不覺烟中有寺鐘

梅

雨邊烟際總淒淒已對靈山更玉溪盡日凝情臨野渡
幾回乘興步荒蹊點紅嫩蘂依攀折帶白新花費品題
多少歲寒孤絕處空齋終夜聽猿啼

今年全未作梅詩與向花邊浪品題不分雪霜摧剝盡
尚須天日照臨之靜看冷蘂無人會閨遠孤根只自知
猶有幽禽解鳴舞為予酬酢殆移時

肯同桃李強揜春自占空山野水濱老氣却因高樹得
清姿不待數花新本來淡泊難從俗縱入紛華亦絕塵
最愛夜深霜重處冷風吹起月精神

山間梅已十分開只欠襟懷與酒杯細玩芳條珠錯落
遠迷高樹雪培堆喧迎曉日艷爭發寒度晚風香自來
安得幽人同一醉長吟花底重徘徊

繁花高樹最宜晴細雨橫枝亦奈陰色薄半開都有態
香濃初謝轉傷情水邊却恨無多子山背尤怜太瘦生
驛使折來春信早單于吹罷角聲清

臘後春歸草木初誰知芳樹遠吾廬風前有恨香仍遠

月下無人影自虛
可是酒杯能慰藉
尚須詩句與消除
西湖東閣今何似
愁絕飛花過眼踈

有懷山中梅花

踏雪尋梅淺淺山
酒醺詩惱肯從還
推猷忽在人烟外
酬酢更逢籬落間
迨晚昏寒乘野逸
愛香凌亂任寬閒
素衣塵土今如許
花底空窺豹一斑

看梅

小園春早喜梅開
烟斂風回月色來
香細靜知宜竹樹
影孤清與散莓苔
幽幽山紫踈鐘韻
耿耿樓頭畫角哀
自笑年年被花惱
十分清味為銜盃

雨中看梅一、二家小酌

春雨梅花濕小園
斷橋流影動黃昏
人家節近多留話
故舊間中或置樽
落落鴈飛知隔浦
荒荒犬吠是前村
市廛只在烟林外
但恐溪添野水渾

二十七日朱上饒招看梅王幹吳推不至

澗谷閒人與探梅
小樓紅蘂萬枝開
臨風便合尋吟筆

盡夜翻勞置酒杯
那將倅車將欲至
治臺蓮幕不能來
官忙自是無窮事
且對弦歌言偃哉

禪月臺看梅

晴日禪臺一樹梅
似愁非怨向人開
地銷臘雪扶疎起
天近春雲婀娜來
立盡竹根空浩蕩
坐移山頂更徘徊
凌風却月詩何在
全藉清香發酒杯

探梅

探梅山路一盃亭
日澹風微遠靄生
莫問古來尋古語
只知春近賞春情
幾枝冷蘂吟方見
一點疎花畫不成
我挾兩兒同二友
老年酒外更何營

檢點山前梅蘂痕
花雖未放已銷魂
縱饒老幹摧幽谷
也勝繁華倚市門
冷落不成敗
歲晚陽和且可待
春溫清香一噴紅
梢滿却月凌風未易論

探梅天氣極思山中之時也

霜餘晴後探梅天
村岸山蹊接野田
時見樵夫能指點
旋尋僧子或留連
所携酒榼無多爾
其就詩篇亦偶然

一兩橫枝三四葉最風情處帶輕烟

澗上蠟梅香甚

照眼花枝是蠟梅香傳小树為誰開弄陰欲雪山長曠
破曉終風水漫洄鳥語春聲喧復靜鴻飛寒影去還來
數間敗屋浮橋外何故無吟不舉杯

木犀有懷趙十

桂樹叢生花發時雨垂風約更相宜休將睡眠尋常看
漫說吟情未易知我豈東西思領會君應彼此較襟期
冠秋軒與山堂近紅玉香消翡翠卮

野趣軒夜坐煮茶栗瓶中木犀香甚

窻靜明燈看木犀秋聲吹雨欲淒淒餘涼倍覺花撩亂
盡夜尤宜葉整齊瓶浸冷香書案小座圍幽艷屋山低
從容茶果歸來處橋踏澗雲迷斷蹊

二十八日野趣軒

雨濕芙蓉綠映紅池塘秋淨晚濛濛水痕已下歸蘋淺
嵐氣初寒入樹空僧寺半依山路外人家多在郡城中

一橋隔斷溪南景天以閑窻付禿翁

瑞香

花如素馨微較密葉似楊梅團且長石竹染成魚尾色
辛夷吹得麝臍香移根雅入芝蘭室得種迥非桃李場
小檻平林暗芳草一軒輕露濕朝陽

冬日玉色木芍藥

便覺風和滿縣新一枝欺雪長精神東皇不肯羣芳謝
南國先回百里春簷外早梅猶隱約籬邊殘菊已紛綸
河陽善政催花發如見霓裳舞太真

舒彥升運管以詩送來禽次韻

老眼相望肯作疎來禽仍與好詩俱清新更覺珠璣滿
甘脆還知草木區此道在公誰復有一官希世我如無
兩峯趙叟尤堪笑絕口輕肥只自癯

金來禽二首

案此詩二首其一見七言絕句

手種來禽已可嘉紛然凡木正芳華人間那有黃金藥
天上生成紅玉花却怪風流迷野路也如富貴在山家

病餘杯酒渾無緒空撚吟髭到日斜

竹院摘橘

柳陽猶記蘓耽井書後空題應物詩屋角數枝垂熟日
人家同處過來時清霜尤美還經眼喫霧微酸不上眉
竹院未饒仙老勝洞庭何似玉溪眉

筍出可愛

雨收餘潤散晴臯岸曲籬前首重搔不恨孤花春後少
最憐踈筍夜來高市聲隔水銷塵滓鳥影空山落羽毛
物外幽人元未減自量閒品頗清豪

雪天窻前寒鴉

寒窻曙色聽鳴鴉簷外梅梢苦未花冉冉青山風落木
淒淒碧澗水流沙相逢客子兩三輩指點比鄰四五家
自是幽樓有餘味又憑濁酒興無涯

欽定四庫全書

澗泉集卷十二

宋 韓澆 撰

七言律詩

寄趙農丞

祝融紫蓋瀟湘水
已是離騷更著秋
仕宦有時還潦倒
人生何地不周游
久持庾節身長健
終乏奚囊意必遒
我老重加交舊少
望餘風葉冷啾啾

趙簿留飲望城裏
海棠因思履道且寄民瞻

相望海棠思故人最高臺是北城圍看來先自花饒笑
興到從他酒入唇語燕既歸鷺作社盟鷗何在且行春
妙年秀發如君少桃李紛紛只世塵

再寄吳推官

中秋天氣桂花發正爾商量一首詩忽喜得書開復看
相思如夢見還疑偶然寫句封題去何用成篇和答為
佳處因君又重賦月明葉落滿庭垂

寄彦升九日前一日飲其家

稻田陂水菊花天新築軒窗醉酒邊情味故人如昨日
襟期閒客又今年沉思節序俱同夢賸賞風光甚欲仙
屋上青山展圖畫雁翻秋影下平川

趙履常湖北倉經過因話昔惘然久之

俛仰之間又一年舊遊新話兩茫然驚心會聚初何所
滿意飛騰不在邊耿耿桃宮聊記取峩峩芸閣久迴旋
歲寒玉雪清冰地終着纖塵是市廛

寄周正字

長洲茂苑關門睡忘却蓬山夢裏遊爾雅一生無濁見
離騷千古有清愁澗田檢放難終歲寒事經營易得秋
欲寄潛鱗尋過翼望窮雲海復悠悠

時子其泊城外姚寺因問訊之

隔河城裏撲京塵占得僧牕景自新酒泛椒花知逼歲
瓶簪梅蕊欲爭春乾坤可是無閒客湖海元非有旅人
老去壯心空不已雪花垂地雨尤真

寄張饒縣

漣漪清浸碧崔巍玉水靈山夕照開陶令風流非偶爾
孟嘉嘲笑亦何哉偶因^列乘閒吹帽想復同僚正舉杯去
歲相從最為樂黃花明日又徘徊

二十三日宿舒料院家因以寄料院

書林猿鶴依然好風月飛翔正嘯啼下榻留連又家塾
輿籃來往幾芳蹊但知舊隱依清樾想見新班照紫泥
小醉微吟因一寄斯民壽域待公躋

寄林秘書

瓠菊初熟二螯肥空水生寒脫葉稀北闕既嘗靡爵服
西疇但且理牛衣由來意氣多忘老到底功名却欠歸
冰玉故人真耐久湖山相望翠烟霏

駿仲小三哥調選言還併寄翼伯上舍

麗澤之風又一傳可堪諸老久沉泉逢人盡道能尊事
逐物那知不變遷邦邑祠堂應自若朝家卹典為誰然
相思相見還相別難弟難兄更着鞭

次韻仲至雪句兼寄撲翁

長安一片雪冬深勝士騷人只苦吟可是頓忘它日志
也非深惜此時心細看北闕吳山下暗想西湖葛嶺陰
搜到詩家難到處掉頭應不管寒侵

寄趙十監試

案此詩二首
其一見五律

夜涼月裏話東征傾耳呼猿洞水聲玉室金堂元避世
鱸魚葦菜豈德羹舉簞筒筒三年試雲路家家萬里程
在我能為古之制裕陵圖治重宗盟

寄趙成父鄱陽就養

薦福碑前水滿湖芝山携酒看來無老閒就養身須逸
歲晚逢時興不辜岸憤以來誰在座課經而后自開爐
春稍迤邐梅須好安得相從一笑呼

寄趙正字秀倬員外置

僅得相從又隔州梅邊花信尚悠悠蒼茫有句雖能寄
黯淡無觴可奈搜酒信山林愁不密豈云江海要瀟流
邴丹仕宦應聊爾歲月空催人白頭

寄劉小山武子老丈

秦淮東畔得詩人踏盡前朝陌上塵寺外殘陽見先宅
苑迷芳草憶臨春空餘王氣金陵古猶帶歌聲玉樹新
羸馬倦童應獨徃舊時明月恐傷神
翠微秋影浪吟時一片才情杜牧之不望上天容此老
只憂無地着羣兒歲華荏苒疎音信人事淒涼有別離
日暮江東雲合處小山叢桂是吾師

寄鞏仲至

清言猶可誦君詩落在人間一任之霜後錢塘寒自覺

臘前閩粵煖還直坐搔禿髮甦殘困俯授長毫寫舊思
二雅以還情義短隴梅欲寄未開枝

寄斯遠

夜深踏月過章丘樹影吹涼滿地流不覺身從城市到
以為人共廣寒遊數家小屋全然靜一點浮雲也自收
天下中秋誰有比歸來清夢尚悠悠

寄永嘉葉丈以昌甫韻

誰云遣興莫過詩詩到清愁只自知老去山林能幾許
近來香火復奚為隨身作務何須較脫手成文不費辭
宿覺庵高飛夢到一春花柳更無私

次韻趙路分寄昌甫

金仙寺下章泉山幽討荒尋夢亦清半世奉祠非祿隱
窮年稽古只書生深居肯以他人重懶出應於外物輕
好是二徐來問學更欣同姓得詩聲

寄昌甫斯遠

重陽未見黃花發滿眼青山如故人且把長言索佳句

應搔短髮任閒身
籬邊千載陶元亮
谷口今時鄭子真
屈指交遊久零落
勿云情異與心親

寄李半村商叟老丈

不到前村五六年
春帆便合上溪船
桃花浪暖魚初出
燕子風輕柳欲眠
海內知名今有幾
古來是事總如然
茶山衣鉢分明在
相望閑吟寄謫仙

寄王幹

閩粵榕青蕉子紅
年光當付酒盃中
推愁顧此歡無策
作興從渠醉有功
行獄贊臺居上幕
藩方連帥近元戎
雨崑風雪應回首
我老窮山更憶公

數年不與李商叟書忽書來一詩寄之

正始之風固寂寥
茶山猶有半村高
靜觀世變慵招隱
閒賦詩章定廣騷
深信老懷能自適
遙知好事不常遭
秋來醉擁殘書卧
鼻鼾吹紅氣轉豪

寄昌甫

章丘死矣章泉老
經月何為不寄詩
世事易教閒裏過

古心難以衆人知，莫因閒徑思來往。只合深居歎別離，
直齷齪靈山終不變。燕城吹角暮雲垂。

寄謝耕道

白蓮庵下犁春屋，正是吳山大隱坊。一任車塵飛不到，
半生詩卷獨難忘。眼明貴近清樽富，心折交遊禿鬢涼。
十里芰荷湖水外，海濤秋浪更茫洋。

寄錢大季卿

儘有溪山儘可閒，竹符英節幾年間。竟歸問舍應游泳，
將老擇鄉誰往還。獨笑闊疎誠易久，肯云高遠愈難攀。
東風又綠天涯草，百事何勞一破顏。

寄葉正則丈

宿覺庵高何處山，松風江月幾人閑。可曾著眼力耕外，
也且游心斫漚間。春冷種花開較少，年饑求飽食猶艱。
湖東渾是江南爾，一崦一重還一灣。

寄昌甫

梅花開盡冬亦盡，雪後春來猶苦寒。年事其誰無老境，

時情徒自有儒冠林虛磴道歸深谷塘決溝流起素湍
鷹掠晚風鴉泊霧一軒苔竹且加餐

初二日寄昌甫

病餘無緒可從容健美人能下上同秋冷芙蓉才弄日
晴烘窻桂又吹風枯榮車馬留還去喧寂壺觴散復空
老意苦心徒漫興玉溪雲薄有來鴻

寄趙帳官

滿架葡萄遠屋蓮久齋深靜想依然地無鷄犬身逾逸
池有龜魚意自便客不來時風過雨我無營處水浮煙
短籬之外皆城市那許飛塵到簡編

寄廣南教運管

且把閒詩寄故人嶺梅冬近一枝新望窮海外應身健
心折江東入夢頻我道詞章非醉墨誰思勲業是知津
因風遠訊弦歌客好對孤芳說隱淪

向親回自宣城出示十二姪送行詩次韻寄之
歸來誰作送行詩山疊昭亭水絕溪蠟屐定須同探賞

錦囊贏得自提携
索居野外薰風起
回望天涯落日低
往事舊遊空太息
老身今已分扶犁

寄丁夔州

夔子遙遙古信州
向來懷玉得賢侯
江湖烟樹開方面
巴峽樓臺占上頭
掌握機權因世故
心思隱膜為民憂
儒家共仰丁寬易
老手官還侍冕旒

寄耕道謝犁春

宦塵偷服望孤山
幾個吟人得往還
德久克章前次是
晉仙銛撲後來間
大都壽夭元無定
只這衰榮甚等閒
說與一犁春雨謝
離憂江上已蒼顏

寄徐丈和鄉

迢迢閣上老彌明
不染京華只自清
脚底湖山難間隔
眼前朝市易紛爭
巽巖耆舊交遊契
麗澤淵源正大情
白髮長身無恙不
冷泉天竺聽秋聲

贈任行甫

一自春風龍井遊
遁庵僧寺最清幽
山行步穩同飛蓋

水際望窮時渡舟但覺眼前多逸興豈知別後有深愁
霜天邂逅武夷路黃葉滿川空白頭

贈葉監元密

兒時聞說卞山翁宗主文章翰墨功今日園林應自好
當年冠蓋定誰同獨驚再世登門舊共喜重孫有祖風
收拾世科歸相業老懷何幸復相從

贈劉信卿

從來人物數江西地占廬陵盛一時細說交游皆我敬
豈期邂逅得君知金堂玉室欣同集雁塔龍頭合共期
文采珊瑚才器遠老懷風味為哦詩

二月二日贈杜晦之

雨收晴色弄雲陰昨日鵝湖山下行四世交遊嗟舊好
兩人相與締新盟閒身終歲悠悠過華髮經春種種生
矯首武夷山六曲安仁有酒定同傾

贈鄭處晦

人間臭味易相尋誰復詩騷有意深自古高吟唯洛下

一時勝事說山陰
閒看禪月臺前水
笑倚靈山閣外林
安得朱絃與疏越
與君三歎有遺音

贈季倫伯臯叔姪

兩龔二阮古來希
古月之家喜得之
邂逅數年成契闊
因仍幾日復追隨
有詩有酒須人勝
無命無才亦我宜
華髮蒼顏勝強健
霜清山影雁參差

贈孫叔晦解元澈

春風花下一杯酒
瀟灑玉溪溪上頭
醉裏只知傾意氣
別來誰識訴憂愁
霸王城畔看遺跡
歸雁亭邊憶勝遊
他日相逢更何許
夜深燈火記綢繆

贈蔡八

休論南渡恐傷神
歲月推遷少此人
已解捐軀言國事
可能忘命掃邊塵
賈生痛哭初何意
壯士長歌豈急論
我在玉溪徒自老
杜門今度幾秋春

十一日再贈器之

浮家返宅玉溪邊
小泊茶樓又過年
山郡野花供酒盞

天街官柳望吟篇
平吞餘子價何待
傾倒諸公譽正延
日復故疆須老手
步歸青鎖伴金蟬

戲贈成季

案此詩二首其一見六言絕句

尋常盡月無人問
邂逅今朝有客留
酒到醉深纔得味
詩因今好却生愁
夕陽倒射亂雲合
淺水未乾飄葉浮
揮手薰風只如此
角聲孤起在城樓

贈鄭尉

玉溪夜飲十年時
月底羣山翠作圍
盡吸煙霞歸酒盞
但知風露着人衣
飄零如我空攀桂
邂逅從公合采薇
南北兩峯元自好
長安城裏暗塵飛

贈晁大令尹

少回餘刃到琴歌
便覺民生政以和
撫字自然成訟簡
豐登元不為苗多
溪山有暇乘軒出
僚友常時載酒過
我亦久為踈散客
與君吟嘯欲如何

贈王理曾

行遍山巔與水涯
南遊何地說中華
故人又見君三世

薄宦休論我一家
避逅薰香因把酒
從容附火試煎茶
典刑文獻誰能信
搔首踈梅看雪花

贈俞司戶

春風苑路百花枝
猶記青袍上第時
喜事為君嘗把酒
交情雖我亦哦詩
傳確梅畔看新築
鷺嶺松間覓舊題
別後相逢乃如此
人生難得是襟期

送孫司戶

再世論文意已親
會逢還在葛谿濱
同流要是涇隨渭
絕俗何殊玉與珉
落珮倒冠誰避地
垂紳措笏自知津
下言只有長相憶
乳燕鳴鳩又晚春

東鄭一

夕陽門外是南齋
望斷山顛與水涯
曉去挾書雖雅放
晏歸不飲也談諧
新池喜種蓮當戶
舊徑慵鋤草沒塔
約綽郊居遂初賦
只消黃帽與青鞵

東周次公

新

風花煙草滿春山
五載相望各掩關
奮迅詞場君未艾

棲遲田里我長聞
升沉交舊今多少
中外親知音往還
隨俗何如絕流俗
幾回吟醉睡其間

呈李權邵

澗谷春前已見梅
憂閑能有幾人來
香收冷蕊依篁竹
影落孤根瑣翠苔
吟動敢因呈和句
酒闌猶記得隣杯
謫仙今在黃堂裏
還許尋芳使醉陪

薛農寺連月不相見
雪中思其所居對湖山之
勝一詩呈之

窻外湘山雪正奇
不知曾費幾篇詩
我窮正墮京城日
公達宜居臺省時
春近定須歸柳葉
臘殘應帶問梅枝
他年拂袖岷峨去
好話江東有客思

朱卿入雨崑本約同遊一詩呈之

雨崑只在博山隈
徃徃能令俗駕回
挈杖失從賢者去
住庵應喜謫仙來
中林臥壑先藏野
盤石鳴泉上有梅
蚤夕金華鹿田寺
斯遊重省又遲哉

丁使君和昌父詩朱卿亦有句次韻呈之

節物推遷還獻歲紛紛如看霧中花春盤又見菜纖子
臘酒已傾錫較牙山野寄吟亭漫興禁林有和寔驚嗟
韋蘇州集多酬唱亦有州民釣客家

呈趙清江

曾得清詩和吾句江山吳楚每相望垂頭白髮蕭蕭短
到眼青春苒苒長萬里御風游汗漫一歌此日對滄浪
不須更把論文酒今是前非在斷腸

呈仲至

雪片終飛冬已深詩家何在索沉吟軒裳縱好從他意
筆硯雖荒尚此心細撥爐灰空自處緩迴溪棹合相尋
臘前年後梅多少愁絕孤山處士林
三年之詩強半山中之詩也處朝市而作此言謂之不安可乎要是詩非可以強吟者也老矣尚有擇哉謾記

呈王十二丈

三畏堂中一老人青編黃卷養精神孜孜為善學時習
兀兀窮年德日新常以路遥難請益且於坐下得親仁
淵哉和靖相傳處多少聲名聳搢紳

呈昌甫

白髮垂垂訪故人從渠今昔話頭新
留連樽酒空搔首
點定書文且放身見說得泉尋窈窕
每經來路喜嶙峋
誰知赤葉青林外又見梅花是小春

呈晁元默

九年不見新詩句聞過名山得勝遊
步轉高寒瀟岳聳
眼明橫絕大江流留連朔雪僧窻夜
邂逅西風客舍秋
當使勾月襟更陶寫乘時談笑上瀛洲

呈朱鄉

謫仙曾昔冠詞場一笑巖花滿意芳
月裏直攀蟾桂種
風前常惹御爐香從他凡艷傾城色
本自高名觀國光
少為清秋試題品五雲歸路鶴天長
弭節高溪又一年功名終古畫凌煙
經筵星拱雲霄上
言路風行雨露邊早達未應真勇退
晚成當不負臚傳
叢生桂處秋光好磅礴閑心且醉眠

又

乘流遇坎過饒陽不見長安且惜芳酒到此時旣欲罄
詩來明日韻偏彊無端醉裏乾坤大有底吟邊歲月忙
一笑漁樵與爭席春風何事不徜徉

三衢史教授留館

一再相逢把酒杯老年懷抱為君開溪山有味還飛雪
草木何心欲放梅共喜醉言方繾綣又愁別恨已徘徊
且論訪戴成奇事莫失扁舟我往來

簡施教授

梅花時節大閑情可若山村水館生取樂未應須酒飲
忘言終不欠詩成合污尺寸多翻覆廢道毫芒即重輕
季攷月書開榜後思君滿又將行

王禹偁贈呂通祕楚州監倉

聞君公事苦喧卑紅粟堆邊獨斂眉已有朝行翻掌庾
未知畿尉且吟詩君前仕畿縣堰頭笑傲同張祜市裏優游
比路隨唯有才名藏不得山陽留滯肯多時

王教授

赤城霞抱玉麒麟
祖業傳芳信有人
占得倫魁到名第
會將經濟取通津
我歸邂逅情如舊
君去相思話更新
燕麥風搖梅熟雨
為吟初度紀佳辰

徐倅

稚山侍
郎之子

二年清節照冰溪
一笑屏星興懶題
五月誕辰宜熟醉
九關雲路豈難躋
家傳學行元無恙
世濟聲華信可稽
邂逅從容何以祝
寸田尺宅理刀圭

示大兒峽州簽書判官

看兒遙宦離吾身
吏在廉平穩問津
積世衣冠當報國
隨時祿秩莫憂貧
周旋同列防猜忌
出入其間節怒嗔
滿眼江湖是三峽
堂堂祖業有偏親

贈日者入浙

信城居士揚今古
老大馳聲更不羣
只是陰陽與流轉
便能貴賤合知聞
功名要以時難得
賢哲惟夫命亦分
好事勞君過山澤
因為我看風雲

贈南屏潛講主

小樓經卷雜琴書落架滿桃影碧踈施主去來多佛事
堂僧分散各清居戲臨米帖行吟后困理茶鐺出觀初
門外滿堤沽酒市誰看金鯽舊池魚

茶山贈遠老

一榻雲居十七年茶山香火了閑緣隨身草木初無地
到手鈴樵亦信天喚起兩賢誰種竹來尋北郭我烹泉
塵塵剎剎裏生濁消得禪宗建法筵

寄淮聖僧元肇

風霜江浙又窮冬瓶錫飄然寺寺鐘爵服豈能三事衲
軒車多欠一枝筇君先靈運當成佛我比樊遲願學農
想得禪家人不到山門惟有白雲封

送趙戶部迎侍回朝

朝回日日曉鶯邊寶帶春風感繡鞵過眼任題紅葉句
放懷應點白雲篇沉香亭北寧無地羣玉山頭別有天
更向紫微垣內去衣冠文物是真仙

幾年高隱占南池得路榮觀此一時持節把麾今已了

握蘭簪筆未為遲暫來舊里歡迎侍便立新班好論思
莫論山人在空谷為公猿鶴伴參差

送戴少望知軍入朝

二年人說戴江陰五馬常存萬古心肯以清朝為得路
豈開黃卷始知音見聞雜陋由來久音旨親承請自今
時世遠然多出處遠觀鐘鼎等山林

送許鼓院入朝

九華風物想依然一隔星霜近十年方喜因依二天庇
又看歸覲五雲邊踰踰朝士推賢業穆穆虛皇待奏篇
收取功名上曼閣人間誰不羨登仙

送潘舍人護客

往來試與護氈裘淮水湯湯江水流霜雪馬頭應北望
風烟舟尾且南遊皇華使節各方起天寵廉車爵更優
翰墨場中真矍鑠壯懷能賦亦封侯

重送潘舍人

雪裏春風使者舟萬釘橫帶紫綺裘玉人自占諸侯上

中國漫同夷使遊鐵甕城頭過京口金山江外是揚州
宮桃御柳開時侯黃道歸來拜冕旒

送富陽曾丞

富春山下好哦詩訪古懷賢亦自奇孫祖墓荒猶寵從
嚴陵臺在更淪漪鯉庭僕次真為樂風闕趨朝信有期
一棹潮風解祥暑石橋秋近足歸思

送施寺丞筠州

江西道院少迴旋蚤晚依然省部遷教子既同分竹虎

傳家元自冠金蟬向來朝闕看飛珮此去名藩好着鞭

八百洞開應一笑遊閒更與問黃僊

李八百洞黃仙
觀皆在城中

送何學諭赴江西陳漕之招

籬邊無菊可清尊又見行人別我門隨意一杯非暢飲
徒知九月欲何言寒煙淮塞干戈滿野路江村鳥雀喧
滕閣迥臨雲雨上好依英蕩說兵園

子壽從金陵之招

白下長干亦舊遊十年重到喜依劉幕中籌策無非事

江左衣冠有勝流滿路梅花春信動一篙波影頌聲浮
從來知己何難易贏得榮名尚黑頭

送推官攝邑鉛山

準擬新涼共酒卮溪山到處少清詩何年結社得如此
比日登樓已可知製邑且分蓮幕去鳴琴應負錦囊隨
鵝湖石井青楓峽又近淵明把菊時

吳推官權永豐

乾封搖落西風起忽憶故人何處詩白髮居頭空自笑
青山到眼望都疑尋常蓮幕知難進邂逅絃歌豈易為
若見趙舒煩問訊晚禾方得雨垂垂

徐和卿滿文叔溪樓夜飲因送之永豐

良天佳月共中秋綠水青山一倚樓今古情懷只如此
幾多杯酒可銷愁得隨撰杖平生願又向乾封數日留
湖海交遊難定準眼明烟鳥下滄洲

送八姪赴調借仲和兄所贈詩韻

莫忘前人食息閒好將祿養奉親歡愧子行淺無堪法

幸子時身能効官經緯家聲元自好棟梁門戶各相看
西風喜送吳中去年火加鞭信不難

送伯輝之官德興

愛惜吾民為國憂錙銖尺寸本征求勿輕朱墨勾稽日
當重金繒講解秋奮起儒科多意氣養成人物轉風流
竹林回首琴書地猿嘯鶴鳴山翠浮

送吳主簿之官

上饒有路達松楊江洲隣封只異鄉幾載玉峯趨霧重
一朝蒼嶺惠雲長決科意氣能相過隨世功名合自彊
高士不為何太甚且稽繇粟恐民傷

送孟元立之官行都酒所

行色西風入帝城新涼吹稻雨開晴月明茅店五更夢
潮上溪船千里程老覺依依人去住間思一一我經行
功名意氣雲霄路冠劍鏘然佩玉聲

送成季

案此詩五首其三
首見七言絕句

經月紅塵共小樓西風吹夢遠湖流文場兩地還趨走

客路他鄉有去留
壯日功名看輦路
老年心緒喜滄州
北關門外一杯酒
潮水廟山灘上舟

秋日烘林高桂花
筍塹應過野人家
青山路口望烏石
綠水渡頭行白沙
里社遊從情最樂
弟兄團聚興無涯
重陽天氣君歸去
賸醉芳尊詠物華

送莊賢良自鍾山歸鏡山

邂逅薰風醉酒壺
秋聲俄已到菰蒲
扁舟西笑遊鍾阜
襦載東還入鏡湖
尚友更思在客不
愛閒時過放翁無
壯心老矣詩情在
滿眼雲山道轉孤

送曾鴻甫著作還朝

進退非關我重輕
鄉來何屢乞青城
西風又上蓬山去
指日須為政地行
衛霍功名思減敵
成康時世欲持平
西湖之上煙波濶
回首能令眼倍明

送耿宰屬浙漕秋試

傾壺玉澗金波委
天地中間惜九秋
跬步往來空躑躅
何必出處試綢繆
柯山風葉無樵斧
湍石煙簑有釣舟

鴻鴈初飛吳越冷震風堆雪卷潮頭

送仲至罷歸

終得公來又見歸
淞江瀾耿越山微
岸花汀草依然是
官柳宮槐頓爾非
朝路往還從舊少
詩家識賞至今稀
西興渡口斜暉裏
儘好風帆漿棹飛

送溫尉赴調

富春山下賞花時
夜半潮生醉不知
人事變遷驚易老
歲華荏苒歎多奇
風聲野樹吹殘葉
雪意江梅發好枝
且喜彈冠天上去
舊登臨處為題詩

送章撫幹兼寄皇甫襄陽

薰風幕府上隆中
想見旌旗照日烽
絕塞江山元自若
故都京洛豈難通
古今只有時艱阻
賢否寧無志不同
羊陸規模亦深遠
因言為我寄元戎

折南隴早梅送周國正

送客逢花小棹飛
折來誰與歲寒期
老身不忍看千樹
明眼須容薦一枝
意象春融知玩索
咏歌物妙想舒遲

孤高比玉人之德公豈尋香逐色思

送伯臯入書院

江湖契濶四年別濶谷經行五日留
撲撲落梅啼鳥換
離離荒草昔人愁
餘寒漫自青山老
稍霽當同綠水遊
不羨章泉能薦禰
却忻半隱得依劉

送施知院洪師

便好槐庭聽報麻
火遲江右建高牙
使華仕路應爭羨
畫繡鄉閭合共誇
別院笙歌開祖席
滿城桃李正飛花
不知誰下陳蕃榻
且看兒童竹馬遮

送辛帥三山

暫為鷄行却建牙
此身何地不為家
閩山又作年時夢
吳會分明眼底花
舒卷壯懷公自笑
往來行李士爭誇
棠陰應有邦人望
笳鼓西風擁帥華

送余解元再往吳中

西湖浙右多佳士
為我春風各寄聲
睡閣有聞當領畧
癯庵因過試經行
終年離索非人事
它日相思不世情

更是吳王舊池館桃紅李白草初生

送陳同甫丈赴省

癸丑正月十六日

平生四海幾過從晚向閩山訪海翁又見稼軒趨召節
却隨舉子赴南宮風雲變態高情表歲月侵尋醉眼中
可是龍川便真隱乘時勲業尚須公

送徐仙遊赴省

得雋春風有世科西湖花柳奈君何會逢舊治經行久
相與陳人笑語多快睹揮毫明禮樂不須製錦更弦歌
開禧正以才經濟臺閣中間要講磨

送耿師幹得閣門

羽儀上閣拱清班天近紅雲咫尺間禮集會朝馳北闕
祥開壽節頌南山龍鸞鞭扇隨分合鶴鷺衣冠得往還
休沐定從湖寺去人生誰不有忙閒

送余運管入浙

日邊護漕建臺深榮路長才入批心正是規恢要多士
須知汲引有知音向來除夜嘗同賦此別何時復盍簪

好上鴛行參劍佩為言風雪老山林

送上饒韓宰官滿歸東陽

三年製錦見能賢秩滿歸來寶婺邊
闕是非無不爾位高翻覆有如然
莫因別派妨隨牒且念前聞穩着鞭
北客相家今幾許堂堂忠獻自凌煙

光庭得節同彥章置酒江亭作別

青山吳越晚潮天領客登臨合醉眠
且抱風流尋酒盞更移襟度入詩編
鴈行未許歸舟速鳳闕猶看使節旋
處士一星人物表徃來書劔本超然

送沅陵宋令之官

雪殘沙軟草芽肥梅萼翻簷柳拂堤
山色翠連盤瓠石水聲清接武陵溪
要看撫字歸談笑且與經行試品題
我亦錢塘江上去書林猿鶴共淒淒

送雙井三哥

清暑錢塘舶趁風潮隨帆影度空濛
不妨放浪江山外應笑驅馳朝市中年少
綵衣宜養志時平黃卷合書功

南來桐樹彫零甚喜子清揚趣不同

送趙清江

少勞吟筆賦催科撫字心存政自和莫道折楊無俗韻
要思予為有竒歌時秋涼冷遽如許客子宦遊將奈何
看即雙鳧候飛鳥清江江上一婆婆

送孟五六哥

惜別經年事已非悔於塗炭坐朝衣放身滄海未為失
滿目青山胡不歸零落交遊難聚集淒涼族緒易因依
有來少住為佳爾老我逃虛甘息機

送芮玉山

苕溪秋碧卞峰濃葦菜鱸魚興味中製錦歸來應自適
角巾行往與誰同才華便合為時用士論須知得譽隆
留取棠陰在崑邑為公類到詠仁風

送王寺簿倅秋滿回蘄

澗頭連雨水還平岸草縱橫月日生過眼空林惟鳥影
驚心匝地轉蛙聲病多止酒慵尋句老矣焚香喜誦經

見說玉溪王別駕二年官滿又將行

百年駐蹕在東南薄宦浮生士所諳
進退何心空自了別離滿眼我難堪
救時事業終須做隨世功名亦喜談
命也奈何天咫尺鸞臺鳳閣本潭潭

淮山何處是蘄春想見家林猿鶴新
合上烟霄翰批志却分風月又閒身
極知歸去無多日細數交游有幾人
江左夷吾誰得似急乘溫詔起經綸

蓋希之作烏程縣

十年重入長安市常把西林倒載人
少為弦歌看撫字莫須盃酒誇酸辛
三賢久覺兩無有千首何如一已真

禿髮顧予皆老矣朝家更化熟知津

己未秋滯德久蓋希之美堯章同往

西林看木犀滿姜己下世三年矣

鄭中卿池陽倅貳

九華秀出明秋浦暑雨吹涼樹色新
彈壓江山非俗輩平分風月有詩人
經行古寺心情別放步空村語笑親
安得酒邊看近作白頭青眼話鱸莩

錢宗卿得當塗守

垂上甘泉玉笋班
又看均逸賀朱幡
當塗自是號名郡
近北還知出異恩
西望雪堂應坐嘯
東連鍾阜要蕃宣
名卿所至人皆仰
青鏡從渠霜鬢繁

朱敬之監簿求泉南添差倅去泊靈芝

經筵雖舊事猶新
似續中朝入薦紳
便賦泉山六百石
重光唐石八千春
從來力量非他意
到工了夫只此身
六月靈芝湖上寺
風涼相與洗車塵

何學諭隨黃守靖州

雨涼吹動木犀天
莫遣清愁棹酒船
獨擁琴書去何處
又隨符竹到窮邊
區區事業皆身外
徃徃情懷只眼前
指點瀟湘在圖畫
有詩無負好風煙

成外歸秣陵

看了三山白鷺洲
歸來難老更何愁
弟兄舊隱象風在
子侄世科官業修
魚計亭深雲塢口
青氈堂迥水塘頭
何時容我陪情話
華髮清樽事事幽

趙七哥歸併呈乃翁

前時秋熟不能留
愧此常生間闊愁
見說長翁游隔郡
欣從重客到吾州
阿咸唁戚因迂步
諸友適來如合謀
居士聞斯須大笑
閒中離合等浮漚

石尉歸杭

吳越青山日日潮
魚龍出沒浪花驕
乾坤莽蕩盤今古
賢否交馳迫市朝
我有詩書心自得
人無風月意難消
三年尉滿天路柳
色爭春梅未飄

孤山梅與玉溪梅
溪上山根歲歲開
歸到鄉關須領略
相逢官路且裴裛
無非共醉窮冬景
其奈他吟處士來
籬落園林浮動處
定應回首我塵埃

丈叔解官東歸

一帆風雨轉吳頭
象在稽山事事幽
小試鳴琴還滿去
等閑結綬亦何求
政聲贏得多推美
學力須知轉好修
我與君心似相密
別離無計可消愁

鍾親昆仲回四明

一棹拖蓬過甬東潮平波面夕陽紅極知我輩焚舟舉
更喜君家製錦功楓葉未殘秋淡蕩桂花猶共月朦朧
相逢莫恨相離別連璧應搏九萬風

浮生車馬易西東邂逅相看醉頰紅失喜却愁詩作崇
推愁猶喜酒書功秋老水風吹浩蕩夜深山月照朦朧
年來墨客驚無幾四座當回正始風

文叔赴部班引復回建康

俯循常調到行都薄宦猶煩五薦書久歷男邦雖不較
更臨郡縣待何如春風吹鬢秦淮老夏日移家越嶺居
且以酒洗君磊塊相逢誰道故人踈

劉簿檄自安仁回泊天寧

五石村前捧檄來冰溪蘭若小徘徊因僧定可了禪悅
與俗何能享雅懷秋到山林風未脫涼生絺綌雨須催
遙知有句曾吟不想象章泉更樂哉

二十六日昌甫歸章泉水

城郭山林每相望獨醒那忍共春醒眼前人事忙如戲

脚底花時過若驚從宦索居良易與新知故態豈難評
竭來數日還歸去隱地應多怨鶴迎

仲夏除帑轄後移居

駸駸得路又遷居廣廈夷塗不奈渠賈島并州雖客舍
陶潛栗里祇吾廬推敲終久誠無恙揀擇須臾便有餘
但願朝回飽喫飯時能唐突過黃初

送合州青陽道人

靈元一點結胎胞識取陰陽氣象交具體無過乾六畫
施功全自震初爻玉池金室歸真境紫府丹臺近樂郊
更有些兒玄牝物青城山頂約誅茅

同遊山前道院訪晉陵道士

閒思羽客約詩人覓徧幽窻到竹陰天近地嚴扃寶笈
道通僊隱得清琴因成行去憑虛望不見歸來何許尋
珍重同遊先寫句董風城市有山林

別靈耀寺同舍

分明共學要工夫欲話離情一句無肯把閒愁消日月

從教身世老江湖晴雲野岫明霜樹寒日平川濕露蕪
去去杜門思益友只今搔首更踟躕

別子似

眼底年華此一時相逢意氣得追隨清風朗月閒傾酒
流水高山漫賦詩我已衰遲君莫問君宜光大我深知
人間萬事那鄴夢海內交遊不記誰

別許叔開胡彥道併呈魯正中

連天風雪滯行舟更為親朋一日留搜索新詩供大笑
旋沽濁酒洗離愁江橫水簷漁村靜山瑣僧房茅舍幽
抖擻三年塵土夢片帆西上玉溪頭

伯臯過筠陽甚惜其行

知君又爾去筠陽山路窮冬正雪霜華髮相看俱老大
清言誰復共平章梅花破暖開何處楓葉凋寒落異鄉
鴈影翩翩鷗烟烟惜無餘地問行藏

欽定四庫全書

澗泉集卷十三

宋 韓滉 撰

七言律詩

趙太社出示夕月齋宮所作次韻報之

年時過我澗之南寂寞寬閒所共堪此道吾儕非自苦
人情物態是誰諳灰心縱惜形容變餽口猶圖齒頰甘
且和湖邊夕月句老生無奈只常談

次韻宋倅

見說空堂舍蓋 公秋深得雨慶時豐喚回舊觀十年外
聚集清流一座中 臺映玉峯歸獨鶴城依冰水下孤鴻
只消滿把籬邊菊賓主風流意已通
海內交遊不數公 又吟名勝句何豐錦囊忽到溪山下
綉段爭看澗谷中 落拓自驚隨野馬淒涼何止聽賓鴻
高齋容我陪珠履不信窮塗有路通

次韻元要陪倉使張園

春間有客伴遨頭 應喜園亭處處幽晴日暖風花影外
清歌妙舞酒船浮 牢籠好景開詩膽愛惜流光入醉眸
珍重蘓門兩君子 至今人物尚同遊

次韻昌甫所寄

別後連綿好句來 朗哦深視百千迴窮通身外庸何恨
生死人間信可哀 公既愛閒常隱几我方蒼楚未持杯
澗梅點點從教白 春到章泉花自催
飛舞醞鷄只甕天 何知老拙與窮堅于今之世宜咸若
從古之賢定復然 荷盡菊殘非一日草深地僻幾多年

吟窻明暗霜須雪苟亦無言豈舍旃

催景陰陽長短宵天回星紀又玄枵霜寒草野真無惡
雨濕未場正不聊薄晚固宜山色遠經冬猶未水痕銷
私家一飽官何恤寂寂閑中歲月飄

次韻昌甫

香來桂樹叢生處招隱其如懷玉束白髮滿頭唯我獨
清詩脫手幾人同影搖明淨雲間月聲滴幽微雨後風
秋以此花相勞苦世塗誰拙又誰工

故人北客今多少但願上下常相隨北時一出得聚首
此日獨居還和詩我家父祖可不見君家兄弟誠所思
玉溪屈指已三世霜風落葉吹踈籬

既貧且病是今年容貌音聲亦變遷縱起步趨終倦矣
訥於言語每頽然秋涼頗似如人意月好翻能攬我眠
試把閒情和佳句瑞峯何處入章泉

秋來風葉已紛披景到懷人意可知時泰果能同道泰
行危何必更身危獨憐水後渾休說相與山間是寄詩

空眊庭柯又如許彼陶終是得顏怡

我圃雖荒亦有梅云何也會待春回尋香逐色從頭數
弄蕊攀條着眼催老景隙光真野馬新年律琯已飛灰
一枝下樹俱能爾莫負尊前得句來

我圃雖荒亦有梅相隨酬唱謂何哉須知流水孤村外
儘有清風明月來幽艷肯因人意發好花元是化工栽
幾番立盡空行去猶記西湖挈杖回

交遊零落舊同盟望望章泉共此情病後如斯猶得句
老來應不要知名久於朝市鬧中住便合山林靜處行
今歲雪多梅更好巡簷宜與細逢迎

看梅動是隔年期僧寺逢花正此時火撥白灰相對榻
酒傾清醪亦盈卮幽幽寒事空如夢歷歷閒情獨寄詩
憐我倦遊還薄宦南枝和雪又紛披

何處逢人可共杯老來空覺歲時催門前塗路無芳草
山裏林園欲放梅殘雪未消經小至繁霜尤凍待春回
好詩寄自章泉水起我寒心一寸灰

老覺浮生空地隔時來猶幸得書題
夢思百里身長遊
語別經年意轉凄
槐葉易風驚
熱惱蓮根少
水厰塗泥
何當整履蒼苔滑
嘯竹高涼手重携

歎息彌襟強拄撐
人間閒處且閒行
風光漫與酬詩倩
歲月何堪說宦情
近脫市朝誰信我
久居荒野孰如兄
青青又滿新城竹
相望章泉夜月明

盡道龐公道以安
笋林上番又成竿
幾年手種要誰問
常日身閑只自看
墨妙席間殊不惡
茶甘林下莫留殘
荒尋幽討真空舉
今世孤風世所難

僅得從容亦素期
意消心愜恨來遲
相將里舍歡言酒
珍重家庭聽說詩
落佩倒冠非所惜
毀車殺馬尚何思
從來鵬鷃變螻耳
不怨人之有佚遺

次韻昌甫見寄

薄宦歸來盡罷休
閒心終是愛吾州
高名又喜為澄觀
素隱何妨得卧遊
四海九州彫落盡
東鄰西舍往來不
秋風山裏相尋處
莫問人間有北周

次韻昌甫聞予過仲益見寄

離羣常恨不能佳，桂到秋深處處花。
幽討既尋泉水矣，旁搜豈忌月軒耶。
翁留觴酌時煨栗，友為爐熏更作茶。
不是襟期安得此，世間餘事我何加。

次韻昌甫別後所寄

多病登臺畏獨醒，荒園藥菊尚青青。
山中我友還新別，門外巾車亦始停。
老去年年無以醉，詩來字字信斯馨。
遙知隱地秋風急，坐對松寒數鶴翎。

二十五日次韻昌甫別後所寄

九十里山寬，兩程白雲隨步不辜行。
石嵌塘水觀魚躍，土曠田塍放鶴鳴。
兄弟留連因共集，兒孫問勞笑相迎。
歸家轉覺深居簡，強把柴門更拄撐。

山淨泉甘草，樹香書檯茶具酒壺觴。
故家南渡衣冠少，前輩中原文獻長。
朝野從先終較別，衰榮到底未須忙。
高風且作閒言會，時寄連篇復斷章。

昌甫寄所和朴翁詩因亦次韻

長日懷賢只坐馳
炎涼誰與勢推移
貧生夢枕槐柯蟻
笑殺仙巢蓬葉龜
蕭瑟兩峯吟和處
辛勤千里寄來時
風流時我身多事
付與劉郎歌竹枝

次韻徐子顏丈

老覺年光秋更好
人間從昔易紛紛
漫將詩酒供閒客
常喜山林對隱君
話到忘言清似水
思之何事懶於雲
相逢得醉茱萸盞
一段高風信不羣

次韻耿運幹

如君便合上鷓行
却愛湖邊梅蘂香
盡把珠璣為妙手
誰疑鐵石作剛腸
文園病減初何苦
金谷春歸有底忙
我亦被花惱不徹
又因鼎鑪得珍嘗

次韻民瞻

獨酌梅花醉似泥
市塵何敢近園扉
孤香藉雨知幽耿
冷艷排風與世違
燈火麗譙新氣象
琴尊高隱久光輝
隔江相望空華髮
燕子將來鴈欲歸

次韻余季倫

興寄寥寥豈尚同
詩歌往往懶求工
從他漢魏曹劉上
盡爾齊梁沈謝中
百巧百窮無似我
一觴一咏有如公
今來古往能言者
多少焦琴爨下桐

次韻鞏仲至

青青客舍付離騷
歲月崢嶸又一朝
不奈驅馳墮烟海
青遲盤礴對風潮
彈冠自笑平生拙
落筆誰容萬景驕
秋入壯懷探禹穴
吳天回首越山遥

次韻周景瑜

日日鉏園淨掃門待尋幽
草藝芳蓀秋光又滿庭
前樹濁酒閒開座上尊
新事任從千百變
舊交纔得兩三番
淒涼北客溪南住
有句長吟莫厭繁

二十三日次韻斯遠

閒身襟抱為君開
山已高深水漫洄
起得春時花下飲
猶思秋夜月中來
留連自覺太多事
淹倒相從更幾回
詩到唱酬成宛轉
悠悠今古復關懷

吳子似以長句為贈次韻

玉石村船子欲歸相逢只合醉如泥平生學識知何患
隨世功名信不迷浪飲未應愁劑量放言寧復究端倪
象山經得堂之記出處升沉惜此題

次韻王教授

春殘物物尚堪書捉筆尋詩獨遠廬不特唱酬渾老也
未知交往盡歡歟怕將笑口荒忙合欲待愁眉款曲舒
忽爾流風萃是絮宜乎化氣鼠為鴛

次韻同訪潘丈

風流儒雅古難并自昔從公意氣傾已覺好詩銷永夜
正直小閣快新晴推琴置酒情何適取帖披圖論更精
當代如斯真可數一朝烟棹我將行

次韻抱撲君問病求閒

卧病兩月
丐祠未許

清都誰不願居官且是西湖最好山此地固難當養病
他鄉只可便求閒苦無筋力追王貢那有心機銜孔顏
秋入兩峯明碧落幾多鷓鴣簇天關

次韻孫叔晦

春陰漠漠晚來寒欲寫相思一字難古錦詩囊無我佩
暗塵絃索尚誰彈閒乘野逸神尤旺靜少牢愁夢亦安
好爵浮名能有幾人間翻覆自悲歡

正旦次韻教器之所寄

笑倒輿公賦遂初便尋前話豈無餘春秋列國乘軒鶴
耆舊衰陽縮項魚臘日未除曾舉酒春正還始尚堪書
嶺頭梅萼歸來晚湖海誰人共得如

次韻

孤山夏木已蒼蒼更著嵐光與水光揮勝軒牕尤有味
懷賢姓字轉生香湖陰漲霧歸雲靜海氣吹風卷雨忙
恨不相從飫蔬食細吟醜唱亦清涼

周景瑜同楊伯升見過次景瑜所贈伯升韻

風流二士真連璧乃爾行春到澗濱小坐縱談前後事
推賢因數古今人却思尊酒青燈夕殊覺頭顱白髮新
得醉有閒誠可味此情終不負吾身

世昌携項平甫所和詩來數其已逝次韻一首

只宜鄉黨與州閭天下英名不可居奮迅臨邊雖似壯
差池退隱實非疎紛紛雖滿庸人見歷歷難逃識者書
晚對匡山應自笑却將心事賦兵車

次韻德修

已接湖頭笑語香雨餘又得句生涼分明天意如人意
占盡山光與水光朝市虛囂還隔遠軒亭閒雅信深長
輸君少袖弦歌手此樂吾儕亦未央

九月二十五日仲至携酒與客相遇因為作生

日次韻春時所贈

名勝相從餐菊英楚騷情味是三生會逢其適論奇字
進退之間付濯纓覽德鳳凰非苟集俟秋蟋蟀也須鳴
誕彌俾爾耆而艾况復村醅煮芋羹

次韻上饒

一抹紅橋卧水雲雨收風葉尚沾巾開門覓句餘無日
曲水沉盃又浹旬春事匆匆容易老人情徃徃總輸真
河陽縣裏花千樹猶記溪南寂寞濱

次韻余伯舉

蕭然一葉下庭空便覺風涼入袖中
餽口可能盃飯白
放身那羨帶鞵紅
江湖水滿悲遊子城闕秋生醉秃翁
且剥鴻頭對杯酌翻雲覆雨久來同
與君莫放酒盃空是事無過一笑中
衮衮細看誰眼白
休休贏得自顏紅
世間爵服無歸客天下漁蓑有釣翁
飲罷不知今古異酣然而睡且相同

視民如傷書呈上饒因其詩次韻

此話休嘲道學殘憂時常復寸心丹
扶溝在昔多遺緒
西伯於前實肇端縣邑豈皆椎剝甚
民農惟獨撫摩寬
因公善治重拈起侑坐誰圖作美觀

上饒新刊鞏宋齊六言寄趙晏叟者次韻
上饒
凋零我亦鬢星星舊墨新刊百念輕
詩案自應留筆研
書寫誰不對梅瓶
趙岐交契身俱老李漢親傳眼獨明
盍臚得泉溪春草綠離離烟水照墳清

聞張饒縣有詩次韻

絕俗尋幽豈好奇
章泉不信更何之
仁賢固曰能親炙
交伴要之豈詭隨
去泊玉田雖宿雨
回程冷水喜晴颺
那知更著張饒縣
風雅還吟五字詩

次韻校官

要底勞生醉即休
從他勢利有包羞
秋高野外空環堵
月滿城時定倚樓
平揖光山明絕巘
淨搖豁影轉滄洲
可憐兒輩知陶寫
絲竹何如且茗甌

次韻趙路分

落盡籬前一樹梅
海棠禁冷未全開
待晴自歷郊原去
苦雨誰從澗壑來
近喜交遊能好句
即須解送與深林
佳人豈斷碧雲合
九十日春餘幾哉

次韻次公

漲雲吹雨轉輕雷
香草泔塔芍藥開
正好青春乃奔走
只宜白日且徘徊
離懷未說人千里
撫事渾如水一杯
酒到多時詩定少
渭城絕唱復誰哉

山人常抱白雲眠
夢想雲林竹樹邊
恨不一杯同卜夜

情知七字獨吟天由來里社無非舊細數交遊有是賢
茗事肯隨人共煮樵漁真足豁憂煎

次韻

西風吹雨動雲車野水浮花遠屋除得興無過尋舊約
稱心尤覺是閒居市塵不到秋聲早樹色初分夜氣餘
架上古書吾輩事一襟清暑為躊躇

次韻昌甫

竹意寒夜雪直聽澗道柴荆曉更高那得擁爐傾白墮
且為數息問黃寧鑿籃輿可知人勝落紙詩尤見德馨
臘月尋常豈能爾梅兄於我眼終青

次中至

望斷湖山湖水西君來我亦醉如泥只宜吏隱歌仍嘯
莫問兒饑號與啼蒼瓦人家隨地轉庭空花草傍簷齊
樓高又倚秋風老待把君詩處處題

冷烟無計了愁端花滿湖陰百頃寬
澗家山身獨老周迴園館眼長寒
吹飭近市徒誇賣上家何人不鮮歡

空對海棠春睡足
數枝紅濕露漙漙

仲至舉似項平甫所贈宦漢陽教官時也次韻

文獻相傳有父兄
山堂留得是詩情
果回富豔歸清遠
盡掃虛驕入正平
保社祇今難可繼
贈言如昔信堪驚
漢陽歷歷晴川樹
鸚鵡洲前黃鶴鳴

次韻亨中見寄

團源深處有幽期
誰見壺林杜德機
曳履信知貧不病
采薇空論怨還非
前時解榻臨風處
半夜呼杯踏月歸
吟到菊花酒再會
落霞孤霧已秋飛

次韻潘德久見寄

歎息騷人不我違
常同醉酒把花枝
如今但得流傳賦
已久都無唱和詩
甌州閭闔臨去日
永嘉鄉井入朝時
相思屈指秋鴻近
空使揮絃目送知

次韻陳膚仲又過鉛山見寄兼懷真卿丈

海內師門復幾人
書來善誘意循循
休論用舍於斯世
試較仙凡隔彼塵
是道淵淵書自若
相傳本本語常新

三山想像陳黃學五馬歸來各素貧

借章泉翁韻回齋

狂瀾正倒築新齋回我家聲屬雅懷想到淵源深徹底
窺從涯淡溜浮塔舜文正道須身見佛老他歧定力排
今古沉浮幾多少滔滔應不與之偕

次韻次公

梅花臘後與春前爆竹聲中更恍然來往南山驚漸老
唱酬東郭信能賢風流往事高情外雅淡新知醉眼邊
盡日論文君慷慨因時寫物我纏綿

趙倅再賦又次韻答

閒却身心墮一偏從渠佳月更涼天每思君子宜看竹
設道直男誰戴笠寂寂故鄉通德里悠悠往行孝廉船
江南過夏多梅雨賦就郊居空故言

次公和韻再賦答之

雨烟埋却面前山悵望高吟祇自看既以酒壺相煖熱
更因墨帖破荒寒誰家籬落梅千點到處園林竹數竿

不是故人心事在也隨塵慮失幽歡

荅行甫

檢點歸裝有句無一樓晴日照塔除提瓶洗盞猶堪醉
破研搖毫亦可書江水東流挾湖海象山西上接匡廬
軒然握手春風裡刎頸從來笑耳餘

次韻蔣縣尉

霜風歲暮正深幽喜見才華譽甚休古者重交多管鮑
今之能賦少應劉枯榮到底俱塵網起滅由來付海漚
撥盡寒爐既相覓恨無肥馬共輕裘

次韻鞏都轄

省事遙知多杜門擁爐尋睡定溫溫年來尚喜常同賦
日近還當不復言畧去便回須管學可行時止是丘園
雪寒江淺朔頭小舟到泉溪春已暄

次韻伯臯五日

眼中林密更山深昧昧從前直至今且與兒童誇好節
豈無交交話閒心繁霜似雪空疑畫畫日移時肯廢吟

歡喜有詩余半隱遍遊朝市却山林

昌甫詩叙同僚以皆為南岳監也昌甫秩滿又重請於廟堂矣次韻少篤仕契

詩寄同僚意有餘清朝猶有此差除悠悠道室仍祠廟
袞袞金坡盡石渠會弁假饒方寸地折鐻消得斗升儲
要之因任榮堂帖員外空餐獨愧予

次韻趙倅五日即事

水斷浮梁地愈偏山人不記艾花天深林礙屋猶多竹
積翠滿庭無復萱蒸溽既難尋筆硯荒涼豈易飲航船
不因別乘離騷句那得斯時有是言

次韻貴池兄見寄

違離伯氏五年矣又得春風一紙書老去光陰非舊比
閒中滋味是真如鳴琴且喜身無恙著句遙知興有餘
夢遶齊山堤上路萬花飛樹綠扶疎

赴貴池臨別呈景清兄

試吏齊山敢作難相看風雪去途殫客情已覺自無緒

子職不知誰問安親老豈禁成遠別我思只合且團樂
三年願得各強健贏得歸來滿室歡

歲暮和韻甚思昌甫兄

風雨空山可柰何門前寒港水增波君多親戚定歡宴
我乏游從徒浩歌歲晚一身知又老年來三友僅相遇
章泉超在百里外應自打乖安樂窩

次韻伯臯見別

半世交遊獨有君春風桃李滿溪濱數杯別酒同舟去
一種離情兩路分從昔早衰陶靖節只今多病沈休文
浮名絆此身何用醉眼睛空靄靄雲

次韻晁元默和李季章叅政長句因寄呈李叅

雅懷何地不為春弭節臨川亦載欣萬事悠悠俱作夢
一身落落掩前聞山焚玉石何難辨水雜淄澠未易分
喜見故家新築就試看靈谷賦煙雲

元默新築李叅過之甚款

鬢鬢風流轉小車洛中情味尚誰家江湖水滿無飛鴈
城郭春深有亂鷗且自山間更林下從渠地角是天涯

不因勝事那能此一色紅紅白白花

昌甫有詩琴士云得之黃子厚蓋考亭坐中客

也因入章泉同出城邂逅和韻

春深處見揮絃吟到情時恨更牽舊話相逢真夢爾

故人獨覺倍依然穀城大雅空三嘆雲谷斯文已百年

珍重散庵因一笑鬢絲禪榻羨同眠

昌甫謝徐侔行縣因到山中次韻呈徐

章水泉頭春雨晴尋幽都騎眼須明固知地勝因人重

要是村深少客行餘散軒窗意雖寂寞歸餘草樹亦敷榮

清風洗盡塵間俗忻慕誰云只晏嬰

元日次韻紹之

相從湖海逢元日且與清吟作好春病起喜能賢散步

客中翻得靜怡神寒侵是處梅枝晚雪洗四邊山色真

信道吾生有餘味一歌歸去久日貧

次韻昌甫寒食

歲歲春深上冢時擔頭挑酒紙錢垂橫鋪嫩草松間出

亂點繁花水面吹扶幼不知今潦倒悼亡應嘆昔追隨
夕陽雨後歸來路杜宇聲頻落燕泥

三年寒食在天涯老覺心情不為花細雨隨風初語燕
亂雲藏日欲歸鴉無才聖世空在望有命王城莫苦嗟
南北兩山青青徧故園疑並野人家

寒食同為異鄉客欲尋杯酒話花時豈無他可傾三盞
那有閒能把一枝袞袞市朝徒勢隔荒荒湖海付心知
牡丹天氣金箋在華髮居頭且送詩

次韻上饒見懷蒼筤

風流天上張公子又得清樽聚一堂耿耿高人懷粟里
悠悠佳夢付巫陽休論明月黃花曲共約春時曲水觴
小醉醒來我何有荒亭秋竹漫蒼筤

此年秩滿言歸以四季木犀瑞香二花贈徐和
卿再來調官和卿有作因次韻

年時我亦治行裝曾寄閒葩兩種香一別人猶得相見
再來花更不能忘春風披拂依依紫秋露淒淒冉冉黃

深巷逍遙昔居此騷吟先後味何長

次韻子似同過九峯因遊中園

君遊城市却山林與我秋晴一日行
來生村庵天欲暮歸來野寺月還明
時尋小榭傾殘酒更覓寒花嗅落英
此意相從信無幾絕憐風度各詩成

趙倅同守作太乙醮禱兩次其韻

雲車在望已多陰想見東皇識此心
城闕步虛環珮冷田廬望歲桔槔深
天高地下羣龍起雷動風行萬馬駸

午夜寶章昭格處願言三日便為霖

初十日婺源得雨呈鄭宰

蠶麥登時天氣晴農田水利復闕情
終看令尹靈祠禱喜見閭閻甘雨傾
宣境飛蝗猶猛虎淮壩小醜致饑氓
經從治國吾何幸一枕新涼更解醒

次韻犁春

世間何處不埃塵百巧爭如付一真
固蒂根深元屬我隨波逐浪也由人
狂風驟雨時常有野草閑花日逐新

安得雪堂老居士同歌江上一犁春

舒彥升寄東阜詩次韻

朔風吹起雪成團東阜知誰可歲寒飯了行吟應杖屐
客來因酒置杯盤彈冠結綬人皆易問舍求田我亦難
安得相從話疇昔但尋幽事博輕安

趙履道有詩因和韻

惜此郊原一日春高山山下葛溪濱聲傳遠樹知樵斧
影落橫波識釣輪步穩折花空到眼興闌啼鳥更藏身
與君扶路乘殘酒清夜醒來夢亦新

和昌甫寄衡州趙推官韻

遥遥石鼓是衡陽想見山長水更長世道只知天廣大
文章徒與日爭光飄零交友難重數偏塞閑愁嬾寄將
誰復汎蓮依蕩節好扶時運際明昌

和校官韻

登山臨水本何為又近橙黃橘綠時固是秋來多興爾
豈非月上一中之卧碑野處臺前字斷壁山民閣上詩

今古風流要人物可容吟嘯不伸眉

尸諫議秋懷昌甫以其韻賦之因亦和焉

秋風還起白雲吹草木悲哉亦變衰但覺乾坤閒外濶
未應日月閑中遲豐凶處處思逢歲窮達人人欲偶時
何以村居詩遣興柴門野老岸前籬

吾廬秋樹正蕭疎且爾依山帶郭居愁與世違空泥飲
苦無詩和也抄書意行謾曳雙穿履身懶常搖一敗輿
此外並皆閒骨董幾曾忘想待何如

爭名爭利路應填幽步須容我折旋一種空門心了義
八般竒語坐忘篇秋來野菊開金餅春去閒花落翠鈿
掃盡喧卑稀客到只聞猿鶴地尤偏

往來西舍復東隣風約微嵐雨斂塵盡說世間多顯者
豈知山裏少閒人路逢僧道非無累象近漁樵定可親
貧賤難居貴難守任其高利與言緝

儒人從昔價連城籍籍紛紛可浪評力政既經秦六國
陳言多笑魯諸生怨纏楚些情何極秋絕商歌意未明

村晚忽驚黃葉墜又當尋取白鷗盟

牽牛衣壓小垣墻落水澄江更草堂北客任天為世界
南遊何地不家鄉一官漫有蕭朱綬百計渾無陸賈裝
案上堆書真可老細哦清白洗肝腸

壯心空使鬢先華寂寂霜前水見沙功盡醉鄉元命世
名書文府且成家越裳未可輕秦缶菴笛何知咽塞茄
老覺悲秋甚無謂是非愚智不須嗟

冷淡秋光畫不成閒身贏得醉而醒水聲自與月俱白
山勢常知雲更青廣大高明人孰辯艱難險阻世曾經
著書固以窮愁後陶冶多應出性靈

和民瞻所寄

老覺從遊易寂寥夢思江海眈寒宵元來冉冉乾坤裏
大抵悠悠歲月飄南北一峯高可仰東西二館隱誰招
園居好在帶湖水冰雪春須積漸消

昌甫同過竹院和其韻

北客相從能幾家
菽盧誰復話京華
居因父母思仍賦

我亦嫻媿悵不譁竹院風煙元有地玉溪人物豈能涯
同來大半多先契凍雨吹寒濕岸沙

和昌甫韻

雲松雪竹野梅南敢謂歲寒之友三難兄難弟更佳句
閒人間客漫游談榻束城郭如緣會依舊山林屬飽參
我已行纏打包笠故家文物待重探

和昌甫見寄

歲晚溪南見舊遊歸壘常恨莫能留不堪別去人還遠
猶幸詩來路匪修野外梅生花氣動門前冰拆水聲流
相思清夢草泉上更道才名光更優

和周次公韻

籍籍春山德養尊風行水上自成文飽讀世故時高枕
強對交情日置樽健句如君寧有謂和篇於我愧無聞
敢言暑退秋生後靜夜來敲月下門

和韻

老懷相別易依依世變紛然是與非縱得斗升聊復爾

便能尺寸竟何歸
澗橫流水桃花過
路遠他山柳絮飛
莫嘆征車我奔走
京塵應不到幽扉

次韻昌甫送周正子入太學

九月十一日

西風邂逅清揚婉
三藪章泉滿紙詩
取友此時宜自信
決科他日未為遲
賢關禮樂當深考
世路風波不用知
我亦飄零玉溪住
鄉評相與見於斯

和荅施教教授

冷齋著我翼庵主
惜取禪心與法身
羸得閒官弄文字
豈容餘事亂吾真
永嘉見說多前輩
歸去要知必有鄰
野客靈山相邂逅
他年拈起話還新

周六春伯教授四明

簿正麻姑已十年
四明分教合騰騫
如其推轂須臾爾
便以乘軒豈偶然
金堂玉馬非一士
蓬萊葦室盡羣仙
儒人本是經綸學
少試羲皇所畫編

周六以
易發科

廿二日施教教授父生朝又有子入佛

賢關有子上雲梯
更著談空說妙兒
竇十郎於今可慶

龐居士在古為奇雙金福壽人皆仰三昧薰修我獨知
春日千花記初度玉溪閒客為聲詩

次韻推官東樓見懷

誰把新詩滿紙來登臨於我謂何哉地偏亦有閒情老
人老寧無笑口開溪山興寄留詩眼賓主風流落酒杯
昨夜秋聲已搖蕩月明中夜只徘徊

次韻昌甫九峯庵所寄

庵院誰人車馬來草生泥路石生苔塚邊只有千章木
山外寧無一點埃先友到時多感慨孤兒知後轉悲摧
讀詩何忍賡酬去夜月吹涼曲岸隈

和黃靖州適軒韻

山中軒檻幾經秋誰得如公肯自由既把旌旄開兩鎮
且因香火奉真遊消磨景色棋成趣排遣功名醉不憂
此話儘教兒輩覺人生凡事豈能求

次韻德久懷玉山詩友

浙東山水幾多山公在家山定自閒白髮肯拋詩卷外

清愁須著酒杯間豈無興寄窮登覽猶有心情記往還
此道今人棄如土翻疑逸駕未容扳

和韻汝坑

交遊閒處可忘年寒日江村西稻田城郭喜離墟市外
人家猶在石巖邊詩翁言句非嗟若墨客心情豈舍旃
我亦汝坑舊酬唱掩關空抱白雲眠

次韻鞏仲至登樓見懷

東望悠悠我所思老當益壯尚知期極知後會相思日應

話前因欲別時往事是誰人去位浮榮徒自位高卑
仲宣樓上春風裏只好踈簾看奕棋

欽定四庫全書

澗泉集卷十四

宋 韓澆 撰

七言律詩

至日夜坐懷伯臯

故人何在在乾封想見書燈焰吐虹節物正隨雲物轉
君心應與我心同梅花未有水邊蘂楓葉已無山外叢
何日持杯相勞苦夜長霜重聽鳴鴻

有懷尹賢良玉山舊居

方齋元在玉山深六月都無暑氣侵一縣閒人都不見
四方賢者始來尋煙嵐處處多真意鐘磬時時起梵音
既出城南過朝露雲仍留得是書琴

有懷昌甫兄弟

籬雨簷風落井梧山幽時復見樵蕪近秋依約能鳴雁
長夏無過暫止烏新麪已多猶可餅舊醑得少欲何酷
章泉二老瑞峯遠悵仰空成再熟呼

因趙氏有懷正字兄弟

餘杭嶽麓春還夏只這心情各自知衮衮官居值俗日
暹暹田里獨醒時州麾事業終何說使節光華任有為
我老玉溪溪上任醉迷風絮一吟之

有懷

相從樵隱對秋風雲氣遙留滄海東浮世從前多去馬
空山依舊少來鴻水生處處雨初足稻熟象象飯不窮
我亦醉翁門下士閒中惟覺句難工

感興

天時人事兩相催
雨浥薰風上綠槐
憂樂易從忙裏過
榮枯空自老邊來
尋枝帶葉終無得
放浪隨波豈有才
信道吾廬吾亦愛
溪山繚繞照崔嵬

秋日感興

江湖吹鴈一聲秋
便合如人酒拍浮
南渡百年無舊事
中原積代有前修
競傳家國恢疆土
必定公初運策謀
野處何嘗知理亂
談邊遮莫話邊愁

歲晚感興

歲晚天寒上水鄉
團蒲曲几在書房
竹爐旋撥松花火
石鼎閒拈栢子香
吟就有時聞夜雪
睡餘乘早負朝陽
呼兒瓶粟今多少
且典青衫沽酒漿

危坐

行藏何事老相侵
流水高山自古今
強把詩書連夜讀
喚回燈火十年心
人間富貴非難有
聖處工夫索愈深
不覺雨聲吹入耳
秋風牕下一沉吟

偶興

案詩四首其二首見
五言古一首見五律

綠樹啼鶯春已闌
杜鵑聲裏最綿蠻
繁陰有絡歸幽處
長日無人到俗間
茶信為僧時過水
詩魔因客又登山
薄衣經體風吹面
神觀初明氣自還

述意

不學神仙不問禪
此心收處亦安然
春風桃李閒行樂
夜月林泉常未眠
有客杯盤尤草草
無人杖履更翩翩
門前地僻紅塵遠
贏得虛閒近簡編

斥歸

一斥歸來上野航
老無羈絆試斟量
詩囊縱在那能賦
酒琖何嫌且細嘗
點檢丘園理花草
咨詢里社見蠶桑
玉為山底水溪水
魚鳥飛潛意更長

雨中睡起稍晏

睡貪涼雨失意明
坐起蕭然笑我生
故舊幾何論歲晚
僮奴只待得秋晴
蹊間井臼草多沒
岸底溝池水易盈
閒不厭多寧厭病
卧時誰復更關情

春思

案此詩六首其五
首見七言絕句

春向深時花未多柳濃桃淡欲如何
籬根山雪風猶力
屋角林霜日久和徒有愛閒常自惜
豈無好事略相遇
得朋便若開心眼芳綠韶紅兩蕩摩

春懷

寂寂春風送落花芊綿芳草徧天涯
數聲飛鳥閒亭館
幾個輕鷗泊浪沙望斷小谿流不盡
步尋幽谷路還賒
一巾華髮吾何賦肯與浮雲定等差

秋懷

漠漠輕陰樓上頭老來心緒不關秋
相看鴻影簷前過
轉覺蛩吟砌下幽儘以詩囊供寫興
少將酒盞與澆愁
急風又墮蕭蕭葉天淡水雲無數浮

偶成

老身何計可飛騰收斂精神過此生
耿耿自溫誠自遣
栖栖無乃類無成湖山放浪慙真隱
朝市低回亦強榮
隨分官曹了飢湯小樓聽雨晚風清

勿向

勿向閒中懶却身自家志意要精明書來眼下休麁看
事過手時多錯行血氣易令人喜懼功名徒使我衰榮
青山綠水雖瀟灑莫被清虛誤一生

雜詩

富貴榮華總未經此身雖老意何驚日梳白髮憑軒笑
時照蒼顏傍水行局末一家兒女態凋零四海友朋情
燭搖醉眼梅花白香動夜窓吹雨聲

孫期牧羊

祝雞牧羊其非誤逐鹿屠龍也是閒用破心時無活路
得全身處有名山洪纖高下皆微幸終始乘除每好還
一任鳳歌仍豹隱多應蟻夢與蝸蠻

趙推寄朱氏楚辭

迴鴈峯前寄楚辭古時人語已如斯少翔幕下寧天定
近入臺中信已知連帥朱今當共學故侯劉昔尚誰思
春來草滿南池水何日薰兮又屈卮

坡翁

雞豚社酒屬東坡
秋到黃州奈若何
主聖自應無所損
時清到了不能磨
後來海上歸猶在
今則文忠謚孰過
三嘆志林真不朽
兒童楚語任吳歌

讀徐湖雪句

坐看何如更步行
草低葉涓小橋平
沾泥不作凡心燭
積水渾疑仙骨輕
雲暈晚園幾欲雨
煙閒晚寺却嫌晴
一溪遠我山前去
未信溪山有我情

今年數日雪連年所少也

兩年無雪今年雪
山積溪浮壠復橫
消盡塵埃猶畏俗
釀成雅潔僅能清
煙絲細麥添生意
風颭枯梅更有情
藪藪聲中見疎客
近多昏暗遠如明

劉克莊潛夫詩編

等閒溫李相遊戲
有底應劉獨怒嗔
雅調縱教勝俗調
古人疑不似今人
時間作吏元非達
官滿歸鄉必是貧
既往巖居惟野處
由來澤畔別江濱

宋提刑少卿詩藁喜自其曾孫傳寫

分明山隱是詩家零落殘編久易賒忽見子孫能繕錄
敢言人士得誰誇衣冠祖業多流品文雅儒風有等差
細讀一篇尋一句餘芳寧不擅詞華

周子靜示詩卷

湖山風雨烟霏處蓬萊翻翻百頃寬我已塵埃無可寫
誰將詩卷對之看蓬萊地近初傳翮闔闔門開更整冠
此段情懷久寥闊沉吟尤為洗悲酸

陸羽泉頭忻考德林逋湖面得敷詩交情未覺非前日
雅道那知又一時逼塞古今空上下淒涼人物易推移
申言保社吾何敢但惜中含屈宋姿

趙推官詩卷昌甫數稱許之

句句芳華字字香章泉巨擘意深長為渠力挽挾雲漢
與衆爭先掃粃糠每以成章能膾炙孰於行卷敢權量
南池自是風流地波撼水村荷氣涼

題橋南書院圖卷

幾年來往柯山下合到橋南書院中邂逅立談知地勝

從容抵掌見詩窮
心情信自一塵足
眼力從他萬馬空
蒼蒼燒香了吾事
試聽灘瀨落秋鴻

楊祕監江東集

江東集裏好清詩
未看爭知看便知
句句多般都有格
篇篇出裏不趨時
包藏許大冰霜骨
搭帶些兒錦繡皮
却被鐵錢趕歸去
誠齊老子也便宜

題昌甫所得陸待制手書次韻昌甫之題句

放翁遺墨幾何年
雲繞秋山月滿川
摸索空驚久零落
追思猶恨少留連
貞元人事誠如夢
正始文風信若仙
江海淒涼易陳迹
山陰茅宇賀家旣

題魚計編後

積水閒題魚計名
一亭元自野而清
幾年來往疑無謂
舉世行藏定不驚
鄭圃留南渡久歌泉
曲到老來平詩
編多少臨淵興
徒得旁觀句眼明

昔先公欲刊白蘋集今教授刊之

吳興好在白蘋洲
先友云亡不那愁
空對遺編想容止

休論往事記從遊
吾翁甚欲流傳遠
賤子常疑埋沒休
贏得虛名付殘斷
風流終古藉西疇

來子儀監廟見假詩藁

伏波老氣肯消除
磊塊撐腸萬卷書
憤世疾邪吟諷裏
傷心思古笑談餘
一軒漫占琳宮靜
四壁空懸客舍虛
隱隱龍光射斗牛
東潮煙浪遠吾廬

從王仲可求近詩

推門喜見王摩詰
種樹栽花興竒中
一旦青衫遽如許
幾年黃卷亦書功
人間文物驚無有
天與詩名定不同
乞取成編山裏去
坐堆殘葉讀清風

永嘉林氏集雲庵索詩

太半交情曾着句
獨餘師道更銘碑
海山磅礴知何處
人物聯翩信一時
以似詩書端可尚
允懷今古不堪悲
百年所種皆先德
宰木雲庵過者思

豔歌行

翠幕朱簾蘓小家
濃熏蘭麝競奢華
繁絃度曲柱爭雁

媚臉持盃眉拂鴉錦帳春餘情未極寶釵分處夢無涯
紅樓何在香塵合恨不都將命乞花

昌甫寄近詩一卷

詩情閑雅筆舒明吟到平時字亦成老不厭山懷玉秀
靜宜流水章泉聲殷勤題寄情何過展轉看來眼自驚
一任人間無此作近聞鞏至得同盟

詩逢

詩逢惡境無一字酒為可人須百盃醉眼却愁天地窄
顏齡肯受歲華催秋生遠樹吹紅葉雨過空庭滿綠苔
飲罷從教黃鶻舉吟邊直看白鷗來

玉成史書來索詩

贛上書來寄近詩經行已得蔡邕碑老年之力能如此
壯日交遊定可知賈馬以前須有作應劉而下復推誰
冰霜滿眼梅開未想見脩然句益奇

風雨中誦邵老詩

滿城風雨近重陽獨上吳山看大江老眼昏花忘遠近

壯心軒豁任行藏從來野色供吟興是處秋光合斷腸
今古騷人乃如許暮潮聲捲入蒼茫

江湖集錢塘刊近人詩

才華未若一杯酒行業尚貪千首詩今貴幾何名得志
古貧最底謂知時雕殘沈謝陶居首披剝韋陳杜不卑
誰把中興後收拾自應江左久參差

黃子功示近詩一卷因思昔年湖上同林德久
訪銛朴翁之適石城明月鴈聲中劉武子詩也

子功詩有和武子句

西湖南畔訪詩僧小艇浮遊酒屢傾猶是三人同眷眷
豈和一別各營營有懷舊約空如夢忽見新編復暢情
依約小山酬唱處石城明月雁聲清

伯臯文屆七十寄詩慶之

老來誰不惜光陰世態消磨鶴髮深化道喜經蘧瑗歲
遇文應動太公心極思吟嘯知如舊且願豐登得似今
聞道田園足強健雲山深處好書琴

上饒登科八人所識者四

鄉邦為作四賢詩所識還知盛一時高質靜專還朴厚
熙心堅正却平夷新尤膽略無回曲适且才華不詭時
他日要當為國器喜看虎榜大名垂

昌甫生日

南枝今已十分開天壽高人玉雪梅不問冰霜驚歲晚
要看風月喚春來鎮常兄弟遊山杖間或交親奉酒盃
忽到牕前花更好暗香吹夢竹軒苔

趙十將入山避生日

先約之
煮餅

已御祥琴又一年忍因初度醉賓筵為君煮餅邀朋舊
容我尋詩話古先信義自應如皎日功名誰不上凌煙
宗盟祖業非他比長夏相期玉水邊

看士人應舉

六年不到秋場屋懶散低回強自寬本謂有緣居上第
可令無分作獮官小來勇往癡心在老去羞將冷眼看
笑殺杜陵紈袴句只知多誤是儒冠

訪耿運幹不值

束結新樓挾帶湖，月臺凌厲雪晴初。
主人不見望尤美，客子空歸興亦舒。
支徑草黃飛野鳥，露洲荻綠下春鉏。
梅梢過臘花爭發，城裏分明物外居。

二十一日治園成季過

滿地霜風吹曉色，荒寒猶有菊枝香。
不知籬外喚籃入，正爾亭前掃葉忙。
急取繩床坐，夫密旋尋酒琖引而長。
老懷老眼老誰語，閒處閒人閒自傷。

昌甫約過施仲益

章泉常為誦清詩，今日山行又見之。
新闢軒窓知雅玩，更拈書帖發佳思。
杯深肯酒留連夜，爐撥寒灰領畧時。
信道人間好甥舅，不妨酷似有襟期。

鞏仲至到浙江，急往見之繼而以詩來乞次韻。
相從我自慰無聊，物換星回又斗杓。
近市少霜梅欲動，長溝無雨水全消。
幾年冠蓋東南會，逐日舟帆上下潮。
見說公來便尋覓，老懷何更得詩邀。

過常山魏寺丞

瀟灑薰風佚老堂
溪山圖遠水雲鄉
高懷不與凡情雜
勝槩全無時世忙
須信貞元朝士在
應憐元祐故家荒
餘生來往奉談麈
商略吟邊飲最長

燈夕頗盛郡中相招不能往也

滿城歌舞事元宵
溪外蒼山雪乍銷
紅日漸遲花信動
銀蟾初上燭光搖
幽人自笑居空谷
遊子從教往麗譙
一盞青燈對編簡
舊歡如夢壯心凋

過傳驥院竹間

竹深留客南山下
只許幽閒語晚涼
酒盡更須拚酌酌
詩來猶可共徜徉
無端薄俗從它轉
有底浮華不自忙
意氣如君天地在
床頭書大且韜藏

欲過履道庵不果因以詩送餅餌

乘晴欲過雨巖去
草木空疎霜後寒
老苦瘡瘍行又止
閒將餅餌問平安
夜爐挾冊應三復
曉徑春禾可一餐
蕙帳藜床同夢寐
試回頭作去年看

十九日過耿運幹

春風池館水溶溶
杏淺梅深柳意濃
拄杖橫臯穿麥壟
傾壺中止見雲峰
有來好事能同適
儘把閒吟不自供
莫道澗湖相去遠
要驚心賞每難逢

寄耿運幹

霍廟湖深澗水邊
雪村來往定翛然
薰風六月上塘路
得雨九秋東壩田
酒政應緣因祿仕
詩象技俗在吟篇
翩翩銀筆經年別
巖壑風流想後先

送耿運幹當湖酒所

一自西風散芟荷
殷勤風雪更婆娑
經年誰謂酒邊少
此日我云林下多
才俊榮親當折桂
時清祿仕且嘉禾
論交論契無餘語
收入離筵入短歌

聞孟使君到子顏隱廬次韻余安叔所賦

祝家山映一荒途
霜滿晴空樹色虛
太守去尋高士宅
比隣只道野人居
朱輪不礙簷前橘
白屋惟堆案上書
想見猿驚鶴飛走
袁安卧雪畫堪如

王寺薄過山園

小園終放一枝梅便有傳呼別駕來
領略風光歸草木
經行野路踏莓苔
人間襟韻須吟筆
花底風流入酒杯
公亦暫時相賞識
詔回天上肯重陪

昌甫約諸人茶山病不能往次韻其所賦

幽人何許不懷賢
忍把清詩與世傳
可惜呂曾祠宇地
獨留香火寺僧緣
入林去踏山頭月
裹茗來烹井底泉
病着偶辜城非約
尚吟餘意得同焉

山中上己宋六成甫見過留飲

風光流轉景常新
且樂林泉自在身
曲水流觴知上己
落花啼鳥近殘春
快傾坐上一壺酒
莫染人間半點塵
兀兀籃輿好歸去
路平微雨草如茵

鉛山徐子融茅齋留飲次其韻

茅山從此占西湖
須信高人德不孤
臨水未能忘汝穎
愛山還肯羨匡廬
眼前孤勁竹尊者
世上浮名松大夫
浩氣已充真樂地
寧論寔相與虛無

尸一留飲次其韻

冬來何意酒杯寬
舊話新愁轉轉難
落葉滿城吹薄暮
浮波夾岸起清寒
方齋留客情無已
上郭歸人興若闌
天地之間是襟誼
林泉贏得洗悲酸

曾廣漕見過

舟車亦過水村來
猿鳥無驚自不猜
化雨江西貴先覺
宣風廣右屬行臺
詩書發冢人千里
菟李成蹊酒一杯
雪岸艤蓬春動處
尋詩野老亦清哉

次韻仲至至日相遇

微官誰復昔來過
名勝凋零已不多
忍為故人踈酒盞
漫將佳節付詩歌
閒情只逼山林好
老態其如歲月何
靜夜小樓相對久
盈編新語但摩挲

譚南恩見過

正在山前看木犀
兒童驚報故人來
急扶藜杖過橋去
喜見朱轡作牧回
嶺外山川多瘴癘
江南朝市有塵埃
經行又泥冰溪水
且折清香薦一杯

斯遠入吳就春官試因相過偶成

春風閒日小樓居門外歡迎長者車道舊祇如前日事
別來不覺近年餘烟花帝里宜同醉杖履湖山可自如
趁取好懷尋好句人生何必愛吾廬

八月六日伯臯見過

華髮秋來忽滿梳故人相見意何如強親杯酒歡無幾
尚覺篇章興有餘世事紛然隨野馬吾生老矣信蘧蘆
林間已下蕭蕭葉雨過空山木影疎

昌甫携渭南詩見過

長笛殘星趙倚樓吟邊供斷一生愁渭南作尉誠微宦
江上逢人憶遠遊風景不因今古異琴樽寧與是非休
章泉傳到澗泉上涼意滿天河影秋

張以道見過

霜簷明日曉晴天忽有騷人到眼邊煮餅漫留尋舊話
烹茶還得寫新篇旅懷但且官天地世道全憑酒聖賢
回首山鳴鐘暮起水浮橋外耿墟煙

十二月初九日雪尸子潛來

九峯庵上雪中眠夜半寒枝落枕前
虛曠益知身老大靜深惟覺夢清圓
山園漠漠無通路田缺幽幽有暗泉
雅志能來得同榻兩翁人必為吟傳

弋陽徐宰見過

幽深終日冷清清誰肯乘春過水行
雜踏軒車雖遠宦從容杯酒信豪英
靜看聲利身何絆閒情芳華意轉傾
相對弦歌有餘咏若遭風雨也宜晴

送趙餘干宰允中

夢寐湖山同雅集溪蓬還送宰餘干
蒼忙寫句求詩律邂逅持醪得笑歡
花事纖濃春又過麥天清淡雨初乾
琵琶洲畔弦歌地一上乘風眼更寬

潘德久置酒柳洲小樓

幾年九月西湖酒此際從公把菊花
酬唱不知留客舍登臨無奈得誰家
水舟又掠空潭浪山屐經行兩岸沙
句髮清尊乃如許數株楊柳傍樓斜

初六日民瞻古梅下留飲

眼到梅花便有詩
園居支逕入疎籬
崔嵬自與人高古
爛熳誰知我笑嬉
煙濕遠荒吟不盡
雨收幽隱醉為宜
新年陡覺新愁少
坐對南枝更北枝

過楊解元看古梅

春風晴日草玄家
城北坡陀一徑斜
遠以雲山供境界
靜惟書籍是生涯
敲門忽有醉吟客
隔屋初無飛李花
天橋龍蛇饒古意
孤芳真足對年華

亭中送梨棗

年年梨棗寄西風
近喜瓏嵒一笑同
坐石弄筇泉汨沒
望雲搜句月朦朧
經時話著猶疑畫
盡盡日來思又若空
珍重交情兩相望
鹿門深處見龐公

雪後昌甫將歸章泉斯遠諸兄偕來留飲因詠

林逋詩約同賦

風煙溪嘴轉山腰
起覺清寒坐擁貂
林薄曉光吹蔌蔌
水流暮色下瀟瀟
相期勝士來推戶
更想歸人遠度橋

會取試尋詩句寫還鳴高樹許由歌

年來閑得傲山林肯怪連天雪作陰
蘇武不服身自健

袁安高卧興何深嬾穿東郭先生履
細和西湖處士吟

無限目前今古意歲華如許老駸駸

竹邊松外最清新煙歛風迴淨辟塵
江濶遠分垂釣叟

山空時過採樵人摩娑望眼尋幽徑
抖擻閒身訪近隣

三白會須能一飽茗盃聊且寄吾真

詩謝文顯兄弟載酒并簡子暢二首

幾椽牢落依僧住二妙慇懃載酒來
名節似君真有道

交游著我定憐才譚高屢激清風起
歸近何嫌落日催

苦憶平生溧陽尉驅車政爾犯黃埃
子暢出近客

拄杖敲門借竹看步隨紆曲轉林端
架邊綠蔓陰成帳

橋下清流春有端君作屋廬嫌近俗
我因巖谷遂深盤

儻思出郭少塵事或命巾車初不難
文顯頗樂山居之勝故云

余計院父子以我乏酒連以一壺為餉

冷生樓牕欲雪天空搔華髮泥塵編
不嫌酒盡西湖上

安得詩如南澗邊
剝啄故人還
餉我開嘗餘
味信能賢
公家父子何多事
今日碧香尤卓然

酒盡

連宵風月頗堪看
酒盡端憐賞詠難
豈但街頭沽苦貴
更緣秋早釀多酸
蕭蕭陶徑柳將落
湫湫吳江楓欲丹
安得酒舡數百斛
拍浮長遣一生歡

訪吳推官津亭因喚舡小酌而歸

汧泗艤泊更躋攀
好事來尋小艇閒
却憶武昌遊赤壁
可憐姑熟醉青山
岸涼崦靄知空谷
水遠汀沙見淺灣
惜別且同幽興熟
鱸魚潏潏鳥關關

昌甫分寄瓢泉繼而辛卿遺一壺來以詩為謝

章泉分餉瓢泉酒
已洗牢愁萬馬空
重拜書題如夏日
便開甕盎瀉春風
時聞水石雲山主
世數文章翰墨功
且道歲寒梅雪好
僧窓閒有幾人同

飯橫碧軒

僧舍顏簷屋一間
呂曾南渡此看山
風光流轉人雖遠

詩句磨鐫景自閒好事肯同携酒至青春又見隔年還
坐中野老醺然醉指點梅花亦可攀

謝戶曹載酒見訪

閒閣燒香正寂寥忽看結客過衡茅溪山有味真堪樂
松竹無心肯絕交老樹枕流傾社壑涼風吹月上山巖
浮梁飲散各歸去夜靜水明搖柳梢

喻伯經推官約施翔甫父子載酒澗上

麗澤同意不一人是時文物動簪紳年來此語誰能問

老去知君我獨親天下傳聞難見道世間來往易知津

持醪野路江梅底後會相逢意轉真贈喻

歲晚尋梅又一年南山巖下澗溪邊雪殘古路初何似

詩到前村更隱然邂逅襟期元技俗從容宦達自登僊

奉親携幼人之樂贏得朋來棹酒船贈施

留客煮餅因過山寺煎茶

旋掃荒涼喜客來胡床隨處坐徘徊野亭湯餅談方透
山寺茶香望轉開風近凜秋多落葉雨收殘照少飛埃

大都識賞非難事莫被旁人富貴催

方齋子潛留滄茗

案此詩四首其一古
見五古其一見七絕

東吳南楚江湖外城郭方齋尚得朋
意象古人無索寞

譚鋒爾汝有憑陵花開簷蔔疑非俗
林擁旃檀祇欠僧

梅雨禾收吾欲醉山橋歸路髮鬢鬢

蕙畝分青長復低菊梅連綠密仍稀
墻陰未午風聲急

窓外從朝雨力微坐待酒盃來
肅肅案翻書冊淨暉暉

幾年來往徒多感今是那知較昨非

葉侍郎寄烏石茶昌甫詩謝之次韻同賦

瓶茶遠自水心寄緘詩又謝章泉分揀芽為贈
信靈物

田味有功非世勲降伏睡魔度永日
不居洒聖酒乘雲

何時幽討共仰止烏石岡頭煮此云

奕棊

水竹光中戲奕棊棊中妙處有誰知
對人不到一盤滿

信手拈來幾着奇活法要須能自悟
危機何用苦尋思

此心虛靜元無物莫使顛真勝負時

新火

香浮椽燭散新煙
閶闔沉沉輦路邊
寶蠟分擎初拜賜
錦衣飛步競傳宣
柳陰未曉明粧鏡
花氣籠晴趁卷簾
莫怪荒涼問榆火
午炊猶待死灰然

蕨菜

春華滿眼倦尋詩
蕨菜終來猶賦之
雷雨動山應偏塞
風雲垂地正奔馳
僧盤何苦分葷素
鼎食那能問瘠肥
珍重方齋家送似
為加餐飯亦何其

謝人遺藟

風起爐寒鬢未成
兒驚門底有人聲
乃携藟藥來相饋
尚帶泥沙便可烹
夷以采薇清易足
屈於殮菊難難平
老身得此渾無事
捧腹摩挲且莫鳴

喜見萼絲

一杯濁酒下萼絲
不負東吳薄宦期
安得林逋同隱約
尚憑張翰寫心思
人間美惡吾能會
物外清閒世莫知
更待西風小搖落
鱸膾豉轉相宜

送爆竹潘舍人

使者歸來守歲除嘉聲應笑去年無錦囊自足詩無敵
寶帶還看騎甚都相見頌花方列炬故將爆竹伴屠蘇
祝公茂介春祺去明日朝元拱御爐

潘舍人重打帶

使回揮橐談從容詩在腰圍瘦戒中金重內分知帶赤
花明殿後映鞞紅聞呼巧匠重陶寫好稱朝章荅化工
更待鞞鞞印如斗轉庵元是有象風

吳澧州兵部挽詩

桂籍傳芳兩弟兄才華奕奕盡專城獨躋卽省享高壽
復處祠庭全令名遺愛梁山初趣召承恩澧浦晚增榮
如今仁義鄉前路忍送靈車薤露聲

黃壺隱挽詩

國朝人物盛江西歐晏曾王世所知勝喜年來說壺隱
還看身後紀豐碑路遙莫致生芻奠心折聊成薤露詞
高蹈如斯天必假彬彬子舍見孫枝

周南仲正字挽詩

姑蘇臺下同盃酒 一旦相從情轉親
才屈自應無近用 時升誰不有通津
避名苦節乾坤大 務道圓機歲月新
我亦推藏山澗曲 細思餘論忍沾巾

葉和劑挽詩

守道安恬譽翕然 晚登朝路合騰鶩
身勞援溺嘗貽疾 夢兆圖空信不寬
傾蓋方欣同藥藏 挂冠謂可樂丘園
愁聞薤露闌山遠 餘慶他年屬後崑

挽余伯玉藥局詩

抵掌從容慨且悲 晚年風度喜論詩
賢關鼓篋文尤擅 德里垂車志豈違
築室高門如昨日 開筵投轄已前時
壽登八秩流芳裔 松柏佳城畫翣吹

黃靖州挽詩

兩把州符身已老 壯年崛起計偕時
藏書漫與詩千首 種秫閒尋酒一卮
北客到今真可數 南人視彼尚何知
鶴山父子成丘隴 泪灑谿風讀壙碑

黃子耕監丞挽詩

籍籍夷陵郭白雪紫陽尤足重斯文當年臭味傳天壤
絕代聲華隔世氛邂逅月邊蘭漿駐從容日下竹符分
傷哉逝矣空遺藁雙井風高信不群

哭徐子融

膽氣麤而硬脊梁茅齋寂寞未云荒自知友道無同異
共仰師門有在亡遺世尚能生卜地安時應許老耕桑
一琴一劍山楓外雲影吹空白月光

哭徐大彥章

翻閱前言力著書暮年尤惜日之餘倦從科第於榮宦
靜養聲明只燕居落落谿山空爾許悠悠天地復何如
傷嗟平昔琴尊地常似親承教載初

欽定四庫全書

澗泉集卷十五

宋 韓滉 撰

五言絕句

明皇攬鏡而言吾雖瘠天下肥矣

引鑑吾雖瘠韓休諫疏多君心在天下歡樂竟如何

高祖令李密迎見秦王李密不敢仰視

甲馬幽州路英雄不自量凱歌迎勞處方識小秦王

霍光夜召符璽郎

擁昭初輔政漢室大將軍符璽即能爾丹青見不羣
王景略對桓温捫蝨而談當世之務

本謂温猶好而能北伐功自從捫蝨後絕意過江東
馮媛當熊

檻外當熊立人情見亦驚翩翩後宮女馮媛猶馳聲
楊妃剪髮

剪髮能留寵君王不自持當年無入奏寧到馬嵬時

南山

霏霏南山來此意足怡悅昏旦氣候間樞疏互明滅
思潁堂

鄉廬暗邊塵時移而事變結屋漫逍遙可想不可見
情話堂

趙記發舊觀俞孫新作堂是豈無他人親戚意差長
有竹堂

坡翁一轉話不但為竹設俗子塵汚人夏簟落蒼雪

跨鶴臺

案此詩二首
其一見七律

道人白鶴庵絕頂似仙家尋幽得臺城杳杳入青霞

南臺

案此詩二首其一見七言絕句

木老地平靜直北萬家城小立興懷處憑高眼更明

禪月臺

此臺已蕪沒禪月彼一時得句僧窻下空留洗耳思

題朱直學竹軒

裂石作翠竹秋風生晚涼政須人嘯咏應記我行藏

橫碧軒

文清來此地留下橫碧軒寂寂今無主空山起夕煙

題買時軒

柯葉買四時不為寒暑變理事俱到處因之亦可見

無盡巖

善繼人之志肯堂思具艱此意自無盡風月敬亭山

小集清暉閣因喚渡把酒昌甫條至

小醉清暉閣橫江更一杯遠山寒日晚詩老忽然來

樗亭

築亭以樗名平生無宦情寥寥千載人感慨聞風聲
如庵

靜深堂與間真如公所庵誰謂平生心可以禪境參
山簡習池遊詩

拍手兒童笑山公倒接羅舉鞭無限意今古少人知
題華嚴境

游月貝葉書究竟華嚴境當年寓名心觀者要深省
桃源山道北小庵

案此詩二首
其一見七絕

天寒山氣黃日暮竹色碧任庵人勿驚此景有此客
葛溪

流傳葛仙翁此溪嘗化龍抱朴今何在間來問古縱
南坡

空青老仙伯有子愛溪山誰信南坡路依依泉石間
蒙泉

一泓泉水古依舊浸巖邊太史晁鷄肋遺吟尚可傳
舟入入靈巖山下訪古

燕麥搖晴日青山兩岸橫吳其為沼矣傾酒任船行

十七日過潭守聽松

案詩二首其一見七絕

推窻萬松林雜沓且修整何須撫盤桓姑以集幽聽

四月二日

簷淺侵林綠窻虛牘藥紅試茶催鼎竇縱酒失杯空

易覺春風老偏知夏日長四山新笋出一澗野花香

晝永卷書因時閒挈杖清草蟲空躑躅巢燕費經營

閒或僧人到閒常羽客過啓玄疑恍惚談妙欲云何

樵斧通深密漁竿接混茫風波非地險荆棘乃天荒

爆竹

爆竹燒殘歲家家把一盃西湖元自好只是欠徘徊

倚瑟

倚瑟從嬪御人生實少歡南山空斷絮此道是耶鄴

夜坐

連窓風撼山引酒燈照坐逍遙入莊吟憔悴失楚些

王丞留飯

尋梅間喚酒邀友漫題詩酒美君方醉詩成我未奇
鐘聲來遠寺暝色起前溪霜葉斷鴻急風庭落葉知
訪勝吳良邂逅周蔡推同飲池上

春風雜花池賓主兩相視落日忽已晴洗盞可無醉

招余子任過成季家

只道汝坑近招之阿那邊不知風雨夕能過小溪船

次韻周倅送邵醜

聞道菖蒲節龍舟一一脩雨涼雖少憇邵圃不妨遊

生有嚴陵寺新持使節長真成三學士意象好持觴

題隆中圖

何意求聞達偶逢劉豫州隆中三顧處抱膝也風流

次韻滿舍人畫軸

風霜歸老榦歲月長枝柯直矗矗荒村外人人占落坡
尋詩小醉時不許老農知葉葉泛輕舸試度野水陂
突兀是茅屋搖兀是土橋看山看水去忘饑付木瓢
荒唐成芥蕩幽遠似橫糊便做山中客能題一字無

次韻子頽

樂道匪時趨山間得自如
老來情味別冬日月且閒居
冬日月且閒居誰亭五馬車
從容見真意鉏盡世驕虛
鉏盡世驕虛直乎愛隱廬
高風照千古此道卷還舒

次韻德行丈

經旬無客至今日得公來
園柳綠已密渚蓮紅始開
談諧意方接蕭散詩自生
寫成澹泊句洗盡滯哇聲
雲驅風浩浩日永雨垂垂
狡兔笑三窟鷓鴣思一枝

白日偶無客青山長對門

案原本無題以此十字為韻

雲低樹頭青風急葉背白
一塢無來人鳥語鬪格磔
枕流飯脫粟長夏以終日
曳庭行歌商風軒時弄筆
身心既已閒吟諷興亦偶
山東打茶聲睡思忽抖擻
人生等戲劇袞袞徒區區
老身其回頭今有古非無
朝市無遺音丘園有絕迹
蓬茅晏不開才閒待迎客
澗淺山四合泠泠浸青青
略約度前林更有泉上亭
不見屋外溪但見屋上山
雲月復風雨長轉朝暮間

崦靄得廣茂虛明失深長一曲冬月暖數家夏日涼
何由芟製衣豈必蘭佩為一笠一蓑輕田漁且相對

牽牛槿花底歌柱破籬門旋買深村酒因傾老瓦盆

十三日誦水生挑菜渚煙濕落梅村之句成詩

十首

夜來微雨過澗谷生春水土脉肥薺苗煙痕菜梅蘂

元宵天氣好梅謝薺還生野水浮烟氣孤村帶鳥聲

拄杖墻陰潤閒尋薺菜挑不禁芳草外初日下梅梢

踏青何處去春事歸野菜便覺與時新閒身尤可愛

水國春已生微波漾洲渚時見挑菜人臨風自凝竹

晴村多暖靄花處是輕煙梅片紛紛下迎人到酒邊

婀娜煙中梅花飛有底急蜂觸香車來煙凝為誰濕

雨後乍晴時春意滿村落香處是梅花青煙動浮薄

一年春好處都在水邊梅似雪因風起和煙帶月來

潦倒春無藉山深不出門籬根尋野菜花外見煙村

絕句

一年春好處東望是皇州夜色梅花外數聲羌笛浮
送昌甫至十里分韻得四首

霜重花未多風回香自若荒店野水深枯枝墮寒雀
相送五年前把酒常在蘇夾路梅花開歲晏將何為
老懶問花事常與梅相看蒼然暮色至只恐空吹殘
瑞峯高入雲又見君歸去坐輿無忽忙逢梅且容與

十一日道林同譚元輔賀州奕棋

山林欣晚對細和一篇詩欲醉那因酒妄言却為棋

題汪玉山送仲上人遊六祖塔詩次韻

玉山四句倡看了百千回不是為送僧不是為尋梅

六言詩

六言

奕棋聊醒午醉煮餅更追夕餐一任長年三老扁舟載
我江干

寒泉亭午暑喜雨

風箭急吹疎雨雲峯時轉輕雷修竹小亭山下乘涼猶

記初回

夜涼雷電

明電夜涼催雨不知水為秋
滌斫酒酣尋句騰拚蟻
夢扶頭

雪中見山松曉起澗見霜尤奇

梅雪何嫌松雪橋霜未抵林
霜睡起樵蕪欲斲竹爐尋
火裝香

次韻昌甫

灞橋何苦乃爾剗溪似是歟
乎任被梁園序賦但此孫
憲之書

梅可空^百檣酒雪不待一筆詩
天地與人太好山林有我
亦奇

晚步野趣

竹樹西風庭院溪山落日人
家搔首從他華髮角巾歌
我烏紗

踏雪登前山

躡屐穿林歸寺持香裹茗尋僧證道已三尺雪巖居惟
一枝藤

題扇

山近不嫌暖霭溪回更帶寒泉水淨沙頭有此嵐縈木
未疑然

二十日趙園 案詩三首其二見七言絕

綠樹秋千紅索白雲春靜青山人醉忽焉兀兀鳥啼何
以闕闕

橫山堂小酌

酒澆磊磊不下詩用陶寫亦難折取茶蘼芍藥醉於綠
水青山

連日暖甚 案此詩五首其一首見七律

日暖甚宜蠶月夏寒還是麥秋冷漠蜜蜂蝴蝶喧闐乳
燕鳴鳩

不道夏衣始輕且云春服既成乍雨乍晴時候宜聞宜
睡心情

只覺寒來暑往何如陰長陽消膠膠莊生擾擾申申孔
氏天天

苦苦安心見性勞勞息氣養神向後有些斷喪依前無
限沉淪

聞喧然縱龍舟

旋自山間帶酒更誰溪外划船過限殊非偶爾於情均
是陶然

次韻景瑜

梅花既黃而白梅萼仍綠且紅與其陵霜駕雪爭如避

日藏風

兀坐本緣習懶苦吟終是乾忙老去宜拈筆硯興闌徒
近杯觴

慶元庚申二月藥局書滿七月還澗上嘉泰元
年年秋入吳試罷冬暮得闕而歸今五年矣

歸哉忽爾五年江空鷗鷺翩翩有詩多且漫興有酒無
過醉眠

田事早乾薄飯歲計不給何求春園葉落窮冬夏畦菜
盡凜秋

翻經諷咏釋種齊物試看莊生功名到底餘事儒者說
性說誠

日月公侯袞袞年年人事紛紛伊尹周公孔子殷勤留
得斯文

貪生不憂老至狗名却忘行卑一日又復一日遑遑自
欲何之

兒女長須婚嫁朋友來須應酌應酌重費青眼婚嫁未
了白頭

平心好處平世深居合在深山山林荒園一畝世事敵
廬數間

贈成季 案詩二首其一
一首見七律

拂拂溪煙橫暮絲絲水雨吹涼酒盡更呼載酒一觴一
咏行藏

與成季奕棋 案此詩二首其一
一見七言絕句

明月水聲湍激涼風山氣高華景罷不知時世酒行無
奈詩家

題竹

有酒不妨醉倚有詩不妨自題聲以清風何遠影於殘
月都迷

山水小壁

點出雲山千里寫成霜樹半坡眼前非筆墨少興來
風景多

書閣

仙人樓居何處青籬黃蕊之間風回山氣籠窈月明水
聲潺湲收斂平生出處倚欄贏得清閑

崙溪和昌甫韻

崙溪玉水之上閑身何負一歸眼耳鼻舌無恙鷄豚狗
彘是依得酒飲不必果有詩吟不可譏人事大抵如此
今日是明日非